

5237.8/7922(11)

C.2

近代詩鈔

十一



近代詩鈔

繆荃孫

荃孫字筱珊號藝風江蘇江陰人光緒丙子進士官翰  
林院編修有藝風堂文  
石遺室詩話藝風博極羣書精於目錄之學生平箸述  
等身詩最少作在漫存文中

癸丑二月樊圃探杏限東韻

江南二月披和風樊圃花事春融融主人好花兼好客樓臺虛  
敞閒庭空花光炤眼紅不定山杏絢爛疏籬東消息早知新雨  
足色香恰好斜陽烘小正特書囿有見道園細譜風入松穿林  
蠟屐有餘興百步芳草青蒙茸座上名流皆舊雨恍如身到長  
安中論齒不才忝居首飄蕭白髮真衰翁黍離麥秀歌慷慨畫

禪書蠹談從容張鐙賭酒足豪放興酣一往拈詩筒新詩明日  
駱驛至景文開府當同工他時結實應餉我異種或出蓬萊宮

藝文類聚  
有蓬萊杏

詠史

龍子作事非尋常腸肥腦滿琅琊王殺一漢耳天子弟誰知此  
漢非儉荒交手卽亂軍自潰王命懸於斛律光家家作主尙不  
免保母猖獗宰相盲桃枝慣作如許事光亦血染涼風堂大家  
甘作龜茲國此王此相同淪亡

嗚呼亂世人道窮以人爲糧口腹充惜哉高陽七十翁一死乃  
與醯雞同沐猴而冠甫脫口韓生命盡鼎鑊中周苛紀信兩烈  
士甘赴火燄成長虹太公登俎幸而免杯羹分我驚愚蒙睢陽  
巡遠則曰忠大業昂瓚則曰凶盜跖脯肝猶不足逆賊朱粲雙

眼紅吁嗟乎世閒怪事無不有敲骨吸髓言之醜可憐鳳翔三

歲圍城中人肉賤於狗

朱溫圍鳳翔三年城中人肉價三百

近代詩鈔

陳琇瑩

琇瑩字芸敏福建侯官人光緒丙子進士官兵科給事中

石遺室詩話君幼穎異博極羣書踰冠入詞林所祈嚮

在陳左海孔臈軒孫淵如然敝精力於小楷律賦試帖

詩體羸善病未四十而卒詩宗浙派未大成

夜過伯初見三彌案頭有司馬景和碑內夾和杜五古一

首三彌作也喜而賦贈將索損軒同年和以張之

故人有子字三彌七歲能爲五字詩

三彌七歲詠蚊有縣官無汝肥句

肯共而

翁逃宋派不妨學杜得其皮避兵也署陶江集臨帖居然北魏

碑致語寫經老居士他年三舍避偏師

近代詩鈔

陳琇瑩

一

一

論詩寄蘭生

燕瘦環肥各賞音偶於浙派見精深論詩未信卷旒語樊榭何人更鑄金

三朝選本亦區區七子松陵枉並驅一例詩翁饒派別故應擇石勝歸愚

題徐仲眉落葉庵詩榻

西風一夜篔簹谷紙窗燈火團詩屋消寒排日分賦詩繞榻梅花正奇馥秋因社長南州徐家法淵源出落木胡床十載坐談兵競病吟成掩枚速拂衣歸來事高臥一枕寒雲薦秋菊蕭蕭黃葉聲打門借榻何人陳獨漉茶夢平分病叟禪筆談偶續稽神錄嗟余襍被事遠遊頻年愧爲浮名逐衙齋風雨憶聯床說劍論詩豈三宿茶煙窺簾晝悵悵劇話舊遊總棖觸樊川老去

愁鬢絲佛火半龕慣幽獨

余頻歲在都皆  
獨居法源寺

近代詩鈔

楊銳

銳字叔嶠四川綿竹人光緒丙子舉人官內閣中書加四品卿銜參與新政有說經堂詩草  
石遺室詩話叔嶠遺詩一卷多擬古之作少自寫性情者殆散佚而非全豹也茲選其最工者數首

臘月十五夜月

錦官城裏暫停鞍紅粉樓頭獨倚闌  
一十二回明月夜可憐都  
向客中看

定興道中

自入燕幽地平沙不見春日高塵過馬天闊樹如人驛路遙通  
薊河流併向津慚非游俠客長劍亦妨身

石壁精舍還湖中作

物象湛清華天氣日夕霽霽曠非一時行客歡游詣山將衆壑  
昏水與長空逝峰翠澄餘曛湖雲歸夕麗巖傾落照留谷轉涼  
飈厲俯磴瀉幽襟臨湍散風袂初探稍有得漸進遂真契何當  
謝組來及此關常閉

近代詩鈔

謝章铤

章铤字枚如福建長樂人光緒丁丑進士官內閣中書  
有賭棋山莊集

石遺室詩話先生爲人深於情又喜山水遊遊必有詩  
以出遊嶺南後爲勝入秦入贛更勝體格在張亨甫林  
歐齋閒有柳花句云十日東風五日雨二分流水一分  
塵甚見雅切黃巖觀瀑云匡廬瀑布天下奇界破青山  
非惡詩吾亦云然但一條二字實粗耳自天游巖至玉  
柱峯云茲山孕靈秀純乎以骨勝一巖一文章一石一  
天性卓越令人驚清淨使我敬其氣各自奇其勢若相  
競有時孤峯轉恍疑兩岸迸寫九曲山勢甚肖



嶺南雜詩

江東烽火滿危橋

在江東州橋

都轉風流剩酒瓢知守齋頭芳草歇

奔波誰與念松寥

張知守齋龍溪鄭都轉雲麓吟詩處都轉素善

號松寥山人

三家最勝屈翁山後起無如宋芷灣更有桐華老詞客

香焚徧鷓鴣斑

孟塗慷慨賦高軒卻有尙書聽直言一瞬南園三十載海濱消

長幾潮痕

孟塗遊嶺南上書於廣督蔣收銛言利弊蔣喜厚贈之

粵秀芝蘭費校量圖經百卷認丹黃張侯去後陳侯出絳

帳巍巍學海堂

楊菴任香山鶴山有德政能造士廣志曾經恭甫參定二君皆閩人

偶念吳天章傅青主遺事感作

詩髓誰探第一籌崔邴相遇亦低頭桃花依舊河魚上目斷崑

崑九派流

王漁洋嘗謂吾門人極多然得隨者天章也門前九派黃河水萬點桃花尺半魚天章句漁洋極欣賞

賣藥溫書自往還忽逢顧怪一開顏汀茫未起先生倦門外何

人是傅山

亭林猶介絕俗人目為顧怪至陽曲多寓傅青主生

尙未起耶亭林不解音汀明音茫耶

過灞橋

壞園無主野花開馬足飛蓬轉怒埃忽憶烏衣堂上客欲將開

府換池臺

灞橋縣丞署在水中央環以楊萬縷吾鄉王文勤公過其地笑曰官若可求吾願以巡撫換分縣也

贈王華州舜臣

太華分支處橫琴對翠微簿書留道氣山水悟禪機城有新茅

屋官如大布衣前身或摩詰筍蕨共忘饑

登嶽

華嶽如高人壁立謝俗戀其外削而文其中隘以辨萬石疊天

近代詩鈔

謝章鋌

一一

骨石石元氣鍊旁絕草木扶下視風雲賤金帝總西成玄宰待  
殷薦倘非真積心何由萬物奠聯峯入地肺崛起各生面依傍  
固不須秋實吁可羨

由閻王碓蒼龍嶺入金鎖關

閻羅力量薄劈石未成路怪龍愛人騎張鱗出烟霧削脊起天  
半諸崖絕回互杙檉踏虹橋寸跬不容誤平生少機心當得山  
靈護趨險魑魅逃助順蛟螭悟一愼息百憂凌虛作細步天關  
忽撒鎖虎豹不我怒萬松奏清籟賅客先韶濩試問玉井蓮花  
開當幾度金仙若有言相逢惜遲暮

由東峰至落雁峰

忽逐飛雁同高舉眼底何曾有險阻諸峯俯首一峯尊清渭濁  
河渺何許金銀宮殿接上方空中偶墜仙人語不知前身果何

屬笑折蓮花問玉女洗頭盆小天池枯但見危梁竄蒼鼠禮官  
威儀有盛衰神靈真氣無消沮小草都因雨露奇野人輒覺鬚  
眉古吁嗟我本謝家孫到處當爲青山主如何作詩不驚人欲  
追李白尋初祖

玉女宮

元君玉女皆帝孫玄牝交爲天地根東生西成陽歸陰坤厚載  
物神功尊岱宗未登登華嶽溪毛我欲羞蘭蓀首陽對面若逃  
避大河一氣相吐吞遙拱金精爲左輔秀色悅眼煙霞溫明星  
當戶照粧鏡綠鬢盪手蓮花盆鞭龍駕鳳朝玉闕石馬夜叫羣  
靈奔婦人主財古有語醴泉肯使恩膏屯村姑閨彥俱誦德越  
險跪拜勤朝昏下看湘妃折斑竹上引西母開金罇雲裳霧鬢  
隱環珮碧霞或亦停瑤軒時時二女接顏色峯頭曉掛扶桑暎

劉十一筠川

永松

新構館舍曰得過草堂索詩作此

蹤跡頻年感逝波

眼前興廢竟如何秋風吹夢藤花下一曲池

欄夜月多

筠川前於蔚廬治池欄邀同輩落之芭川去而池欄

亦毀矣

移花補竹見精神小築三間擁百城卻憶臺江李公子他生辛

苦乞聰明

筠川置書他生能欲以臺江李星村此世真

一自

一自歐陽

詹

起海濱春雲秋日若為妍晉江

王慎

綵筆銷沈後

不見梅崖又百年

海內談詩小草齋曹徐里社自分題東來蹋月支提下尚有崔

郎共馬蹄

先方伯在杭先生到寧德與崔西

近代詩鈔

王仁堪

仁堪字可莊福建閩縣人光緒丁丑狀元官蘇州府知府

雲門同年以排律贈行倒疊來韻奉答

三十年前我入秦太平文物盛京塵蟲沙轉眼成殘劫驂篠逢君信宿因張既治稱三輔最法才表樹百城新桑麻敦勸邠岐俗花木平章鄠杜民天末故人望雲樹日邊好信聚風蘋壺觴近局招邀易絲竹中年氣誼真有約海王村日涉大難花市宅成鄰謂瑞安師弟一麾江國符新授千里陽關酒暫親西笑有人待鳧鳥南遷促我判烏巾循良久已齊龔召侍從何堪玷濟恂許國微忱共披寫寵行佳什喜紛綸得逢今雨長相憶此去

近代詩鈔

王仁堪

一

青雲各致身玉井生蓮君比潔金山有帶我非貧分飛爲謝鴈  
鴻侶報稱寧區蟣蝨臣回首觚棱惟見月掉頭玉勒且尋春從  
知吾輩孤行意一種羈愁莫向人

疊韻贈恣伯

聯綴珠英句言尋玉樹春旗亭婪尾酒塵市素心人整轡先花  
發編詩與歲新一縑酬一卷莫笑寫官貧

近代詩鈔

楊文瑩

文瑩字雪漁浙江錢塘人光緒丁丑進士官翰林編修  
貴州學使有幸草亭詩鈔

過自怡軒題壁

城東舊夥名流宅兩耳喜無塵市喧花木能令人悟道讀書何  
必不窺園

述難十二首

并序

咸豐庚申二月賊肉薄城下先母高太恭人謂吾婦虞  
曰城若破男兒當爲宗祀計吾與若婦人有死而已二  
十七日昧爽城陷母率婦若女及諸從婦沈屋後河鄰  
人駭救以起匿後園薪廡中園與屋隔一牆家人咸集

於此未幾賊入屋聲鼎沸已而寂然時從兄文盪已仰藥遽語衆曰賊卽來不免生而辱孰與死作乾淨鬼乎吾且火矣衆皆曰諾遂縱火舉家死之嗚呼痛哉先是城陷時同產弟文鑾忽失所在有謂其奔門富一橋而東者文瑩急追還之道遇弟徬徨方相挽忽聞後呼殺妖聲甚厲遂與弟疾奔里許投水中文瑩遇一水姓業治銅者救免而弟竟死嗚呼痛哉三月三日城復文瑩從賊中逸出見從兄文斌相抱而哭哭且問文斌蓋當火發時挈一弟文蔚踰垣而出者故知家人殉難事如此日月不居倏逾半載祥琴未鼓自非歌時然悲憤填膺今我不述恐一旦朝露溘至後且無有知之者昔人謂長歌之哀過於慟哭豈不信哉又所謂窮天下之聲

盡天下之辭無以寫其其酷者也

城崩壞雲黑震地萬家哭同沈屋後河母先諸婦續鄰呼駭相  
捄起入後園伏園與屋隔牆賊尙莫余毒金陵賊久踞兇狂鑿  
轍覆焉知吾州城唾手得恢復疇昔母有言闔門義不辱兄  
復激成之遂付一炬酷同死難者悲哉不孝人七日夢方覺

捄命亂如麻弱弟文賊奔市我追弟過橋殺妖聲大起賊呼殺

妖豺虎四面嗥安得有生理但求無飲刃兩赴清冷水二月廿

光王閣蕩與弟八日投元吉當後蕩光而我乃獨活弟其長已矣

初亦不甚悲我活須臾耳吞錢復經樹在元吉當中輾轉不得

死弱翅飛不高遂落樊籠裏廿八日晚被擄入館也

賊縱羈我身心豈甘賊從三日餓不食庶希棄蔬蹤中有同羈

人張賣酒翁大義責藐躬男兒宗祀計出寶儻得逢不逢死未晚

何渠溝瘠終曠若發我矇一飯心更雄詰朝賊果遁詭說富春

攻之三月三日晨張提督玉良攻城距十里爾時某亦未知也

白刃脅我走驅出望江闔踰山不擇路亂石森嶙峋茲苦夙未

歷顛頓血兩跟撫瘡少逡巡賊怒向我瞋急翻下石壁心已無

此身旁睨沮洳間臥一無頭人急倒緊相倚偽爲二尸陳庚申

上巳日是我再生辰

九死得一生迫欲問家室心如投涪湯恨不著翅歛入城氣慘

悽初四日曉冤魂翳白日充棟高積屍橫衢赤流血亦憂家上

城聞道傍有語上牛城定多凶少吉巷口遙見牆望猶未全絕并

命焦土中到眼那忍說呼天天不聞一慟腸幾裂

阿兄文斌鑿垣出數日匿蓬藿我從賊中來互抱痛號叫比鄰圭

華中或未遭剽盜聞我家有人咸來相慰勞謂此忠骸堆見之

心震悼天陰防雨至意欲代理料重念長者門昊天胡不弔傳

炊種豈絕庶幾一人到油亦擔擔清絮亦斤斤縞嗟茲附身物

具備無待告長跪謝鄰翁大恩何以報

火著王母衣世父負之走閒關達桐鄉幸得脫虎口其時世父

身焦爛及兩肘百藥無一效安得盧醫手兄侍逆旅中文奎先

桐鄉奉祝仗朋友我聞急趨視已落三日後

有弟鳳文城破日踉蹌先出門今踰夏涉秋生死無由聞或言

九龍崗罵賊喪其元及問言此者亦非所見親身縱不得脫蠟

書豈難傳宿昔文字飲蛩駉吾兩人此生恐不再何處招君魂

有妹年十一性貌頗淑端拈鍼更弄翰晨夕承母歡每聞風鶴

警掩袖泪汎瀾問母蘇常路到此程若干母輒謾相慰收淚聊

復安至竟罹此厄念之酸心肝

賊中甫逸出夜夢母若妻所居非故廬狀亦如平時母言汝弟  
在蓋念文鑿也汝速呼之歸妻方理髮坐不語但目眙避地赤亭  
山舟已江口維尊長信他說定計遂游移胡不力勸成悔恨無  
窮期

求死兩入水三婦使吾生一爲食貧婦其二乃可驚初入水未  
久竹竿牽衣升其光徒以竹竿曳救欲再救弟弟已沒翌日入水

深兩目殆已瞑了不知所以闖然臥中庭婦一老一少大牀扶  
我登靚飾和且莊儼處世承平及我易服出衣著黑布袍而出  
邈無跡與聲始知是典所西羊市街元吉當衆散門嚴扃門後有

中無人俛仰念先德至今心怛怛

我雖喪家狗未肯爭骨棄故人謂我可以掌書記薦之入軍

營營列蛟龍地江明府榮光結水營於筆墨固無靈殺賊萬一

冀東船箏語哀西舫粉光膩依人鳥亦窮聊爲乞米計禍災信  
可樂大快將軍意謂統領某副將一昏導百玩兵事付兒戲窮人登酒  
坐痛甚鍼氈置亦知妨衆驩臨觴淚難制

### 江郎山

突兀鼎足立天生三偉人一峯皋陶面銳下瓜削新一峯伊尹  
背植鱗曲而伸一峯古弼頭尖拔筆嶙峋高皆六百丈四空無  
所因笙簫度絕頂月夜仙遊頻風香蘭墮花大與梔子倫富人  
昔好奇閣道思飛身家傾事不就鑿竅壁鱗鱗上有一池水傳  
恐非其真地志云絕頂有一池

### 自休寧至彭澤山行句餘得絕句十二首

錄三

登涉路斗折十步三彎環峯側梅花開可望不可攀  
平州縱遐矚懸嶠切冥際縹渺飛樓丹恆有驚落勢

彩翠遠奪日石林斜照閒借問行路人此爲新婦山

彭澤野望

澤國春來早東風草怒抽我從羣嶺出今見大江流水氣昏漁  
市松聲冷佛樓前程吳入楚更買木蘭舟

石鐘山彭氏紺園別業

森森彭蠡口奔放吞天廓石鐘山鎮之萬古此鎖鑰四面壁斗  
絕大帥來相度江湖歸擁抱神鬼助開鑿磴級引雲蟠軒牕分  
岫拓簷梅倚叢篠階芸拱紅藥條然裘帶人吟賞坐對鶴中有  
飛捷樓危礎冠厓愕聞當落成日金陵巨憝縛諸樓此最高長  
虹手可攫俯聽鞞鞞聲風水石相薄八百年以前有人舟夜泊

寄顧皞民觀察吉林

書生無意建旂旄吟飲何如舊日豪聞說松花江上路年來犢

價貴於刀

西谿曲

西谿何所有一庵荒山陲獨遊遊不厭旁人笑且疑庵破屐到  
稀杭厲於此祀老僧不看經運水搬柴耳谿繞秦亭麓支自南  
湖分餘杭一夜雨溪水來如雲疏林谿晴昊地僻秋色早何處  
無蘆花蘆花西谿好谿鳥吾前身谿花吾故人庶幾老是鄉澹  
以全吾真

示兒二絕

錄一

雞蟲得失太紛拏推倒垣牆便一家試語汝曹無上法梁亭夜  
灌楚亭瓜

園居遣懷五首

錄一

縱橫才十丈我亦謂之園多藉前人樹還封小巷門井防池水



涸牆斷市塵喧卽此成邁軸歌言矢勿諉

寒食秀州道中

老去清遊只愛船有船千里卽門前女兒明豔生長水節候喧  
和到禁煙何處寺藏鐘越浦誰家樓廢柳撐天郡齋爛醉笙歌  
夜勝事回頭二十年

聽長孫阿鳴背誦三都賦次孫阿蜚背誦古詩源皆熟時

鳴七歲蜚六歲

捧書來與老夫親乍歛階前跳叫身汨汨清聲瓶水瀉搖搖小  
影燭花春莫矜文字當今世儻慕風期到古人傳硯吾猶慚老  
學光如日出最須珍

司徒廟古柏歌

麻衣仙翁相術神清奇古怪皆異人評賞四字字如鑄乃以相

人法相樹司徒廟在蒼厓陞老柏森立張天旂僧謂夫差墓上  
木是奚足辨姑頷之噓喻元氣鎮吳會要爲千年物無疑清者  
玉立氣高寒奇者橫絕飛將軍古者勁裝風采竦匹練斜纏頂  
至踵獨有怪者不可測驟欲描摹筆語塞到眼了不成樹形滿  
地槎枒翠狼藉出洞神蛟猛脫骨避風大鳥潛伏翼支離攘臂  
終天年孤延燒面出勇力意者造物非無心玉成應感雷轟德  
况日侍彼三君子彈壓陶鎔有深益倦鳥投林負夕曛催人歸  
去疏鐘聞回頭却顧茶話處漸不見樹唯見雲茲地由來集勝  
侶妙墨紛綸難悉數我詩縱有所抑揚甲乙無違昔人語呈之  
古佛儻吾許

近代詩鈔

樊增祥

增祥字嘉父號雲門又號樊山又號天琴湖北恩施人  
光緒丁丑進士官至江寧布政使有樊山集續集

石遺室詩話樊山生平以詩爲茶飯無日不作無地不  
作所存萬餘首而遺佚蓋已不少矣論詩以清新博麗  
爲主工於隸事巧於裁對見人用眼前習見故實則曰  
此乳臭小兒耳萬餘首中七律居其七八次韻疊韻之  
作尤多無非欲因難見巧也安石碎金樊榭冬心諸家  
視之當羨其沈沈夥頤矣七言古多轉韻今不多選選  
各體全首外專選七律中對尤工整者爲摘句圖附後  
可作饋貧之糧君於前人詩頗喜甌北此亦甌北專採

放翁對句意也

東溪詩

併序

出宜昌東郭二里而近有溪曰綠蘿林木茂密水清見  
底枕溪而居者數十家余嘗有卜居之志因仿右丞輞  
川詩體以見意云

玉雪五歲兒嬌索梁閒燕爲買紙鳶來更與續麻線  
舉網得雙魚貫鰓行自語本藉溪水活更就溪水煮

送人赴襄陽

漢水東流去西行欲斷魂江山三楚盡耆舊幾人存有淚思羊  
傅無家住鹿門花時一爲別寂寞負清樽

寄譚仲修

廷獻

同年杭州

榻來支枕夢西湖白舫青簾入畫初衡嶽春迴三兩雁辛夷花

發數行書故人東望思魚膾名士多年尙草廬爲憶南屏山色  
好老坡笠屐定無如

泊枝江

朝辭夷陵渡暮與石尤期一雁啼秋水雙楓閣酒旗寒深烟外  
柝吟瘦雨中詩應是離鄉苦扁舟獨去遲

戊寅九日陪豹岑前輩龍山寺游醮

城西山以來龍名蜿蜒勢與青冥爭居人指爲落帽處似龍毋  
乃非真形

龍山距郡三十餘里今所游者龍山云

使君政暇事幽討佳

辰良友偶合并肩輿出郭去牌燾勿使呵殿驚山靈山椒有寺  
出林表遠望丹翠輝檐楹入門一衲爲前導華裾玉佩搖瓏玲  
仙雲亭亭結葩瑤法花嫋嫋垂金瓶殿隅一樓拔空起直上憑  
欄俯千里石幢倒映寒潭清雕檻平臨暮山紫是日金風最寒

近代詩鈔

樊增祥

一一

慄天清地肅空無滓苑柳宮荷積水中汀蘭浦雁蒼煙裏景光  
無際歡有窮舉酒屬客澆凡胸几筵咫尺羅山海翠尊銀燭回  
春融蟹螯未紫柑未紅菊花始秀東籬東眼前節物盡遲暮及  
時胡不酣千鍾此山自昔盛尊俎高會如雲散如雨呼鷹臺上  
彼何人豚犬兒郎不足數折臂三公差解事登臨意亦在千古  
遠志當如謝安石可兒復有桓宣武丈夫各欲樹芳烈世俗乃  
始荒歌舞不見前朝游冶處渚宮竹殿今塵土當歌慷慨若有  
神玉壺酒盡鐘鳴昏緇流秉炬起相送野塘照見酡顏新百年  
此事復幾日故須作記鐫青珉高冠岌岌幸未落慎勿呼我狂  
參軍

五月一日同子珍竹簣兩前輩登煙雨樓茶話

鴛鴦浦口駐輕航石磴盤紆到上方僧磬歇時添畫靜茶甃圓

欲貯湖光闌干四面空煙水裙屐三人俯夕陽接膝莫論瀛海  
事二年中有小滄桑

度嶺竹枝詞

早涉汾流見月明卻於嶺半看雲生竹竿坂下濛濛雨到得夫

妻廟口晴

距嶺五里有竹竿坂上有夫妻廟

天險橋邊駐碧油北臺小息喚茶甌莫將馬力全驅使尙有逍

遙在後頭

下嶺七里爲北臺西去道遙嶺老張灣一帶尤險仄

雨中度棋盤嶺

一綫修蛇欲到天林蘿石棧互鉤連萬重雲海相摩盪一日乾  
坤百轉旋峻極飛鴻翻在下險多健馬不能前條條冷雨藍關  
道猶勝韓公擁雪年

舟中雜詩

關中利車馬水程始商州山如青玉峽水若竹箭流咄哉湍瀨  
閒操此無柁舟一日三百里言至荆關頭此閒屬大梁風土稍  
不侔五載居關輔士民競歌謳俯仰南山碧夢寐輞川游忽聞  
語音異使我心煩憂

三日兩易舟言至浙川縣人煙既繁密樓櫓復完善頗聞官府  
賢折獄民稱便東皋麥油油百錢得斗麪自河決鄭州林澤多  
哀雁彼爲沙中魚此爲梁閒燕同是豫州民百里災祥判有如  
同林果甘酸適相半燕息豈不多勞人自永嘆

荆妻生京邑未覩舟楫精南來見煙水眼若流波明水禽及漁  
具一一詢其名頗畏風帆側喜聞柔櫓聲荻芽供美茹荇葉製  
香羹隔林初曬網綠浦或逢罾始悟古圖繪漁樂皆真情願言  
浮五湖船若白鷗輕筆牀和鏡具終歲常安平煎茶夙所嫺無

爲買樵青

平明涉江口水激如箭筈清漢徑其右我舟出其左亭亭江中  
流峰蓮秀一朵何許青螺螭白銀盤裏坐夙昔愛小孤風帆十  
數過中間花嶼懸四面烟波鎖茲峰乃酷似謂之縮本可五年  
別九江天以持贈我惜哉不得泊急瀨下輕舸回頭視烟鬢天  
際空婀娜

遙望襄陽城樓堞鬱參差眷言懷耆舊離若劫後棋郡中雷廣  
文誨我成童時經藝稱巨手雜治古文詞潦倒三十年未與昔  
盤辭垂垂兩鬢雪猶爲童子師高高鹿門山濯濯猗桑枝其下  
有龐公妻子嗟此離不得拜牀下使我空涕洟

吾友陳仲弓除爲漢川宰瘠土居五年頗聞氣象改鱗隰美桑  
柘湖田足魚蟹我來訪循績父老言娓娓自公治吾邑旱苗經

雨灑牘有千言判獄無一錢買草屨登縣庭宛與家人對諸生  
各嚮學羣盜亦知悔悔者爲善士學成被甄採一昨移病去萬  
人淚成海有田忘耕犁有錢靳推解有冤不控訴日惟公是待  
感人入骨裏聽者色然駭吾亦折腰人因君勗光采

青青女郎山七載不相見四月綠陰時落帆漢陽縣江漢多密  
親邀我具蔬飯憐我宦達歸起居猶貧賤我言關中好古風今  
未變食彼黃河魚衣彼漢中絹位卑名自高俸薄金有羨官燭  
治文書鱸香展詩卷真樸味有餘豪奢習未慣歸來照江水儻  
未失真面

趙文度爲吳徹如畫南岳山房圖

王百穀董文敏題

古人畫嶽難畫衡九向九背深且清岫嶺東俯會稽穴蓮華西  
與金天爭義陽吳公官九列湘灣規築屋數楹瑤房窈窕雁峰

麓湘帆歷歷過

平聲

柴荆屋裏素書充瓊笈門外遠山橫翠屏南

宗好手趙文度爲寫幼輿邱壑情亭臺安放最佳處調和心手

相經營石氣中含太古潤松光晚發諸峯晴畫石上有暖雲起

寫松下有流水鳴三年皴染意始足宗伯拈出山靈驚

董文度作

襲以錦段方英瓊昔也翰林弄煙水湘陰買田薄可耕東山一

出垂十載放衙夢墮衡嵐青願持此圖作粉本松閒結屋饒茯

苓九疑帝子伊可接軒轅道士吾同盟還將宰相十年事換取

地鱸山芋羹

夜宿挹翠山房讀爽秋詩集

懷中一卷詩松下三間屋此非世間語攜就山中讀清若露下

蓮勁若雪中竹幽若石罅蘭淡若霜後菊剽若蒼鷹舉重若巨

近代詩鈔

樊增祥

五

象伏華若衣黼繡質若需布粟秋月印寒潭春煙起新木瑤瑟  
絕湘天流泉響冰谷隨我所聞見比方意各足試呈黃面師微  
笑若有觸裘褐不勝寒風簾晃脂燭坐見窗紙白去就僧牀宿  
君詩如芥茶飲多不得寐冷積肝鬲間軒然雪濤沸缺月墜屋  
角金缸照墨翠玄爲道家言深與佛理會中夜呬唔聲幽於風  
蟬嘒上人憫我勞薦以霜果脆問我讀何書答言黃庭類聞否  
木樨香上人不能對

過辛興灘數十里夾路皆山桃花孝達師撫晉時所種也

感賦二詩

東風融雪水明沙到此行人不憶家七十二灘等閒度夕陽如  
火看桃花

黃泥裹核事何如看到仙花結子初錦障如雲三十里風流長

憶老尙書

雨後作

雨後東風卻倒吹褐衣猶自溼林霏未飄柳絮飄桐絮不見鶯  
飛見雁飛上黨地高知馬健西河春冷覺花稀七年家在關中  
住三月香車緩緩歸

寄懷悉伯師都門

元亭側對寺門開蔬飯清言日日來辛苦當年楊右衛向來不

坐已言回

一公居保安寺街盡在都與王少選即日去

八月十六夜城上望月

尺八橫吹縹緲音滿衣風露此登臨月如秦鏡無圓缺天與柴  
窠孰淺深煙靄四垂碧羅幕山川全鍍紫磨金碧城十二無消  
息空負闌干萬里心

贈蘭卿爲子珍六兄屬賦

玉勒驕驄柳外亭，簾前鸚鵡喚紅丁。  
花如人面依然姣，山傍妝樓分外青。  
打槳正當桃葉渡，彈詞偏愛牡丹亭。  
多生綠業誰能懺，替寫蓮華十部經。

子珍每日寫經一頁

訊王大令

吏散花陰午，巡檐兩筍鞋。  
酒嫌夜來惡，書問體中佳。  
秀句題新竹，疏巾挂古槐。  
底教妝閣裏，長怨太常齋。

納涼作

院落無燈蘚覆階，移牀箕踞傍庭槐。  
涼雲渡水難成雨，薄電依山未轉雷。  
柳暝徐看雙鵲定，竹深時有數螢來。  
大田更比相如渴，何止思量露一杯。

齋居

窗格新泥換碧紗，經函香椀似僧家。  
飯餘不用檳榔子，一盞南川厚朴花。

偶檢敝篋得三十三歲小照感賦

少年輕俠過江東，吳下人知舊阿蒙。  
馬客磔鬚籠叱撥，箏人低髻唱玲瓏。  
神傳裴楷三毫裏，鬼在梅詢兩足中。  
十七年來還墨綬，折腰慙對漢三公。

黃葉江南舊有家，向人無奈整烏紗。  
鄉心苦憶瓢兒菜，官品低於鼓子花。  
用宋妓龍觀事條鏡何當縱秋隼，冠襟強欲飾麝慶。  
祇餘一事忤人意，五十平頭髻未華。

冰叔於官署旁濬湖葺宇寄題一律

明湖新拓浸緋霞，仙眷風流聚一家。  
一碧全栽水楊柳，千金難得旱蓮花。  
見韓致光詩能浮畫檝扇頂水，不隔薰風蟬翼紗。  
蘇式窗



扉三十扇看君着意縮秋蛇

東園

官舍東偏石徑斜小廊回合槿籬遮  
僮澆醉日移來竹兒譽春分接過  
花朱閣尙留如客燕綠池還沸在  
官蛙數峯醜石堪人拜約略園亭  
似米家

暑退東堂事事幽淡雲微雨作新  
秋窗紗自綠聽鷓館燈火初紅待  
雁樓雕玉一雙爲帶鏤嫩銀半兩  
製茶舟久從方外看司馬未害人  
間有督郵

懷栗園

任教人笑虎頭癡坐愛歐公洗墨  
池倘過無爲應拜石必逢有道始  
書碑侍人萱草偕芳草歌曲楊枝  
閒竹枝慎伯已亡撫叔逝六朝筆  
法只君知

馬關

海上無勞解議圍七牢改館駐驂  
駢僞顛冉猛顏何厚濺血唐睢事  
總非恨不歸元從白翟豈眞傷首  
類緋衣度關不用雞鳴客賣却盧  
龍掩面歸

格天閣裏說和戎此亦周公與魯  
公今侍樓船持使節昔從襁褓授  
儀同天津杜宇啼春暮都尉鴛鴦  
戀虜中爭怪可汗頻賜宴郭汾陽  
是親家翁

哭李悉伯夫子

茂陵秋雨臥相如多病時時賦子  
虛身似芭蕉叢衆疾心如椰子納  
羣書蔽賢兩府能無過問字諸生  
慟有餘爲問南園籬下犬何心不  
作仲宣驢

朝回深閉草玄亭四海儒流見典  
型郎欲潛時師漫浪學從困

後識深寧公所居曰叩門使者求遺稿就木奄然執孝經贏得  
傾都冠蓋集焚香齊拜草堂靈

奉懷張尙書師金陵

手提三十六英雄坐使丹青日再中勳業明時光玉鏡身形暗  
裏護紗籠臥龍抗表需籌策司馬登朝仗樸忠江漢滔滔誰砥  
柱迴瀾力障百川東

書劉聰傳後

遮須國主出平陽題署風流翰墨香典午早知今日事李中堂

改愧賢堂

漢有堂曰李中聰  
改曰愧賢見蔡扁

苦熱

老柳垂門靜不波更無池水似摩訶曉鐘暫遣肌無汗午簟誰  
言睡有魔五萬蒲葵猶恨少一重蕉葛已嫌多且將冷眼看蛟

蜃奈此炎炎煮海何

冰簟銀牀夢不真青奴朝暮最情親杜陵廈裏無寒士召伯棠  
邊有喝人每飯祇疑身入甕串茶無補肺生塵玉魚擬向環妃  
乞不爲青梅溢齒津

平世曾無六月霜經旬襤褸怯冠裳早將號令還金帝不少詩  
篇咒木郎酷吏傳中求解脫北風圖裏卜行藏移山倘假愚公  
手不借峨眉便點蒼

五年種樹渭城東近接蓮花第幾峯天上有船通玉井人間無  
價買松風清涼居士於今少熱熟顏回在處逢僦屋青門聊結  
夏軟塵休傍馬頭紅

代竹生贈姬人

吳下迎來金犢車扁舟網得錦江魚晴窗臨徧哥哥勅燈夕催

成娣娣書何限朝雲憐宋玉等閒秋雨伴相如天寒酒薄亭皋  
晚解進泥金半臂無

獲嘉

漢帝東巡駐翠華捷書乘驛奏官家將軍近日無楊僕總把樓  
船贈呂嘉

題爽翁水明廬詩集集中附

一編終始在于湖風雅咀含與道俱詩裏周公惟子美文中烏  
獲是江都見論衡補栽涪叟曾看竹懶食琴高所種魚今日廉頗

思趙士亦如江左念夷吾

有贈

海上歸來王子霞玉爲幢節錦爲車蝦蟆陵畔春如夢燕子樓  
中月易斜城已再傾緣巧笑戶經三免卽良家宋時官奴婢爲

雜戶三見梁溪漫志填詞小宋垂垂老觸撥閒情爲杏花

爽翁惠咖啡余誤爲鼻煙

苦說咖啡是淡巴荳香誤盡勇盧家也如白雪樓中叟不識人

間有芥茶李于麟按浙徐子與致芥茶

北臺早春

土牛新歲送寒時人日臨觴一賦詩秋去春來雙燕子新收舊  
管幾花枝禁中地暖冰開早臺上天寬日落遲閒凭西窗開病  
眼蒼龍閣角柳如絲

四友

許盛王袁吾四友老坡生日悼王孫黃壚痛飲成千古白首同  
歸更二人顏子命如鸚鵡短元輿血濺牡丹痕瑯琊祭酒應無  
恙苦念危城老病身

近代詩鈔

樊增祥

十

一日

一日遂亡雙烈士炎霜晝下使人愁和戎利大翻為罪博物書  
成枉見收龍比相從遊地下犢華遺恨指河流銀濤白馬之江  
路腸斷胥潮八月秋

哭廉生十三兄

鄒魯儒家老說經一門忠烈死猶馨抱琴鄙露真無憾投閣揚  
雲不復生殉國賢妻榮煒管從姑少婦亦銀瓶行人莫認臙脂  
井萬朵芙蓉擁曼卿

憶歌者崔靈芝

高臺舞袖繞花飛幾串珠歌豔雪霏桃葉百環輕綰髻毛西河  
髮柳枝雙帶秀飄衣嬌鶯借重名兼姓小燕猜量瘦與肥簫鳳  
引人仙夢遠紫房芝憶甚時歸

聞都門消息

上林秋雁忽西翔凝碧池頭孰舉觴市有醉人稱異瑞巢無完  
卵亦奇殃犬銜朱邸焚餘骨烏啄黃驄戰後瘡滿日蓬蒿人跡  
少向來多是管弦場

京師赫赫陷鯨牙十國縱橫萬戶嗟舊宅不歸王謝燕新亭分  
守楚梁瓜有諸國疆界蛾眉身世惟青塚貂珥門庭但落花龍武諸

軍誰宿衛孤兒一一委蟲沙

百年喬木委秋風三月銅街火尚紅崇愷珊瑚兵子手宋元書  
畫冷攤中金華學士羈僧寺玉雪兒郎雜酒傭聞得圓明雙鶴  
語庚申庚子再相逢

島人列檄罪諸王玉牒瑤潢絕可傷待取血管觴福鹿誰將眼  
箸謎貪狼伯霜仲雪俱危苦謂莊邸及宋劭殷辛僭比方敦邸

近代詩鈔

樊增祥

十一

生即公法每寬親貴議可須函首越重洋

庭下紫丁香盛開七疊前韻

紙窗新有蜜蜂聲行到中庭彩蝶迎珠絡索兼朝露綴紫葳  
門晚霞晴雅宜翠色哥審器巧對黃家子久名舊歲北臺兩株  
雪枝頭顏色一時更京寓有白

十疊韻詠白丁香

雪衣娘子喚茶聲錯認羅浮縞袂迎穀雨前頭幾霜雪梨雲時  
候半陰晴清香玉蕊和珠蕊本色花名又藥名不信風塵滿京  
洛三姨素面未全更

牡丹八首 併序錄一

洪北江謂古今牡丹詩罕作正面文字趙甌北輒賦八  
首及明年又作如前詩之數北江稱譽至再今讀其詩

適成爲甌北體耳小園牡丹二叢作花甚穠以詩賞之

如趙之數後人視樊山詩殆如我之視甌北乎辛丑三

月朔日

爲后爲王在洛中品花亦自有真龍衣飄紫鳳天香醞酒蘸黃  
鵝御愛濃芍藥教行丞相事海棠合受貴妃封誠齋詩海雕欄  
玉砌尋常甚待起黃金屋數重

雨中答顧五

屋漏痕深檢玉杯南鄰季雅錦箋回白楊巷接青楊巷今雨來  
兼舊雨來已讓那邊吟白苧用大作家極知當下熟黃梅玉桃  
接引偷兒至任達深憐子敬才君移居

以關中之勝誇示同社

爲數關中景物賒漢唐曾是帝王家東湖濼濼聖人酒酒以

東湖也西嶽亭亭君子花指蓮峯送客紅橋無限柳封侯青土最  
宜瓜雲如美女河如鏡不爾安能駐翠華

寄懷午橋中丞

退衙山色寫燕支燕支山枕想像郊原攬轡時安晚心情登塔見  
稼軒筋力上樓知丁令來言公屢上興來東閣連呼酒別後長  
安似奕棋可得忘情桑梓地願公深惜庶民脂

檢庚子出都後所作詩詞漫題一首

劫火灰中莫問天金臺黯黯夕陽邊起居安否隨鸚鵡商略行  
藏到杜鵑賈傅悲深庚子後庾郎哀甚戊辰年平生文字幽憂  
少此是瀛奎第幾編瀛奎律髓有

感懷三疊前韻

風氣支那一味柔龍山風鬢可憐秋如今別有傾城帽我較茶

村十倍愁世傳劉黃岡擢第歸杜茶村方病劉盛服往視坐定

傾國傾城帽劉大慙而去近來營卒皆冠西冠奔走滿前感慨係之矣

兒輩初學屬對余出云墨竹換詩詩換蟹皆不能屬戲賦

一詩

近來閩粵競詩鐘未許兒曹學步工墨竹換詩換詩蟹畫松如

篆篆如龍天衣巧製須無縫玉合精求必可逢唐人謂作詩如

底必有蓋精求之可得自古文章珍偶儷南彭北紀勉追從

再示兒輩

對屬天然雀燕伴可知鎖鎖儷鈎鈎萬言每受單詞窘新意須  
從故實求墨竹換詩詩換蟹黃金償劍劍償牛雅人深致循良  
事都被先生古錦收

自題照像

近代詩鈔

樊增祥

十三

盡傾心血作文瀾鬢髩青青亦未殘君看東岡老松樹最禁風  
雪最禁寒

閱電鈔知石甫觀察備兵右江喜賦

朱鳥南離望繡衣鏡中鬢戟未生時身為雛鳳知名早官比鴛

鴛待闕遲

君候簡三年矣

不似柳劉傷謫宦好收側貳作蠻姬

時粵亂未靖

政成莫負搓酥手要和東鷗絕妙詞

周官叔芸前輩嘗官右江道

壬寅除夕

十九年來判牘勞能將秦隴土音操西臺檢校樊山集關內文  
章一尺高

十錦名城似畫圖香山標榜又髯蘇世人都道湖山好好過長

安舊雨無

中丞方伯以下無不惜別余亦不勝戀戀

葆生偕唐司馬童大令送至閩鄉同宿於河神廟質明而

別

送客灞橋情已盡情深尙覺潼關近出關五十里黃塵衫笠蕭

蕭垂柳映臨流祠樹碧於雲古殿乃祀河瀆神東西道院並修

潔草花石几羅苔茵三君就我夜連榻解衣乾浴飯有鴨綺綠

親傳海上琴

時以琴贈葆生

淚紅猶惜關中蠟寺鐘三打朝噉紅君馬

西還吾馬東一聲珍重車塵起拗頸數望蓮花峯

張少保師招同王弼父于晦若兩京卿沈子封編修周少

樸侍御過慈仁寺廢址看松徵賦長句

曲江風度天下知寢處常有山澤儀兩宮動色待司馬朝回乃

憇古松下昔居坊局清若冰步屨屢過慈仁僧三十餘年秉旄

鉞歸朝不見長明鏡元二災年際庚子紅巾白日行都市激怒

長鯨海上來含元故殿荒荆杞九門鎖鑰十國爭茲寺久駐柏

靈兵和議既成收兩京島人撤廟佛淚零由來殿材極瑰異千  
歲香楠充桷楹騎梁縱斧者誰子失勢一落夷酋驚以少炸藥  
置佛座火發屋瓦皆飛鳴天傾地坼百柱倒萬牛挽致還西行  
從此金身等莖草百圍喬木風煙平寺門雙松青銅柯國初諸  
老繁詩歌諸佛尙有涅槃日虬龍其奈劫火何吾師遠聞心輒  
動重爲朝廷惜樑棟撐拄乾坤五大夫朝衣西市同悲痛翰林  
好事沈子封走告昨見慈仁松喜於還丹起白骨頃刻青天飛  
蟄龍平明肩輿入破寺瓦礫縱橫撫寒翠清露滴身麾蓋涼朝  
噉射人鱗鬣異折簡招客酒再行苔地鋪席心顏清兩蛟俠侍  
瘦於鐵凌霄花發垂紅纓浪傳南海子瞻死意外復見劉更生  
嗚呼雙松昨死今復生故人碧血徒芳馨愁聽樹頭黃鳥聲九  
原不作難爲情謂許盛王子即今赤松朝玉京吾欲從師歸穀城

聽竹

松清竹俗強區分次律尋聲未識真太尉豈能知許事聽秋別  
是一流人房瑄云竹聲最清及

雨後種竹都活喜疊前韻

新篁如酒人渴吻希三雅雨則孫爲龍不則兒作馬昨暮月離  
畢膚雲起太華夜臥聞跳珠喜如金躍冶農田方待澤三禱龍  
祠下首爲豐年慶此君其次也曉起巡南檐琅玕不勝把先蓮  
爲君子與蘭皆王者遂疏管城封靡怨湘娥寡細已勝漁竿大  
將剗樓瓦其旁筍斜出穿破土花楮明明嵇阮徒君侯何瀟灑  
一再催我詩波箋雨中寫晚飯不用肉清齋屏官鮓

三月初二日送需次諸君入課吏館賦呈嚴廉訪及分教

程戟傳太守楊和甫刺史李少愚陳煥階兩大令



憶昨朝京師對敷白玉墀帝曰汝何言稽首陳其詞臣由百里起一旦躋台司碌碌無短長稍悉民瘡痍九流無不學唯吏無專師忽焉居民上判決需人爲何怪冤獄繁何怪情僞滋大吏視僚屬勿徒舉劾之口講與指畫繫惟師道宜吏皆教之學民生其庶幾帝頷之曰俞汝言實不欺吏皆如汝賢天下焉不治臣拜手稽首受命復在茲三輔多循良見於漢唐時今豈不古若勸懲宜互施城西闢珍館蘭芷升庭陋讀書取致用所尙非色絲舍經而攻史用夏亦用夷必通中西驛而兼文武資政書及律令手口常不離樹木十年成樹人百世基以吾一日長敢告津梁疲美玉必受琢良馬必受羈勉登循吏傳仰報皇帝慈今何以乏才古何以饒士四裔何盛強中華何頽靡大抵百年來都無意於此本自亡是非而復任嗔喜才者老蓬蒿不才曳

青紫不才則忌才取士必如己冗濫最科目官場亦復爾珠礫何分別榛蘭同一視吏胥抱塵牘可使萬事理自非陳腐言不上赫蹏紙志士日摧傷才人有餓死豪傑不世出何由得興起南北走胡越寧非鷓鴣使吾百里起家忽然冠獬豸宿昔所不平及今聊一洗如明鏡照形隨人爲臧否材不材之間相去幾萬里重之則鼎彝輕之則敝屣能令賢達奮能令庸庸恥繫我館中人慎勿流俗比不患不我知患其不能耳罟師求巨鱗安能舍魴鯉彼美拾香草安能遺蘭芷世知有公道請自關中始願言得同心上佐聖天子都邑蔚農桑河山還鏡砥引領望神州猗嗟吾老矣

寄遠

修門一別意何如身與秦親覺越疏書札再三問東事夢游四

五到西湖

東坡與人書歲常  
四五夢到西湖

楊花白後成春服  
豆子紅來作念

珠爲問絳紗高弟子  
暖風遲日有詩無

賦得可憐九月初三夜得憐字

月到初三絕可憐  
玉弓斜挂影娟娟  
依然露似珍珠夜  
又是雲橫玳瑁天  
遠信威遲霜雁後  
瘦人徙倚菊花前  
重陽近也無風雨  
檢點萸囊憶去年

再賦

胡牀坐據不知愁  
晴日登臺雨卽休  
但揀涼天佳月夜  
老坡無夕不中秋

胡氏愚園

名相無樓臺大賈多  
園池居園之半紅  
亭俯漣漪肅客水晶  
域八窗瑩玻璃奈無  
竹樹陰當暑驕炎曦  
乃製鴨觜船張帆與

簷齊日出障其東  
日入蔽其西或隨飄  
風轉當用人力持咄  
嗟富家翁經濟止於  
斯昔以十月游柳黃  
荷亦衰心憎主人俗  
粉壁無題詞前塵忽  
棖觸廿五年於茲想  
見錦帆幅破如蝴蝶  
衣

羊皮巷某氏園

有花不自賞銳意驪  
天衢不待宛其死已  
爲他人娛園花如有  
言專迂尙書車入門  
玩修竹敷席蔭高梧  
春深荷始錢未有紅  
芙蕖雜花生樹間羣  
鷺與之俱花言主人  
俗流汗希簡書得不  
得有命胡不歸舊廬  
鷺曰君誤矣錢虜非  
吾徒葛侯眞名士興  
寄迺蕭疏生機盈天  
地獨恠志與蝮彼去  
汝何傷彼歸轉懊予  
憬彼花鳥語拊掌一  
軒渠周公代鳥言豈  
非吾師乎

謝公墩

進則爭新法退則爭一墩  
荆公視謝公通介實非倫  
江左風流

近代詩鈔

樊增祥

十七

相翛然林墅身一邱易百辟晚節難爲臣至竟社稷功能回明  
主恩半山盛名譽一拳安足云晚誤福建子桓箏不可聞詎惟  
名字合身世同艱辛古來受朝寄常與譏讒鄰千載謝與王異  
形而同神然則非爭也居近情益親祇今邀笛步亦有將須人

奉和金陵雜詩十六首

錄八

老去屏山賦汴京裕之俳體雪香亭名篇十六渾相似傳唱江  
南不忍聽

二喬國色並棄龍總角英雄蓋代功公瑾伯符俱不壽天教寂  
寞古江東

傷心玉樹有何春佳麗江山要洗塵除卻寄奴能虎步南朝天  
子半詞人

一半春風付教坊李平潘佑枉思量曹彬勾當江南事愁坐圍

城詠鳳皇

天塹橫分制佛狸後來虞雍繼韓蘄如今鐵甲乘潮上不用量

江費釣絲

瘦了亭子水西門古有儉邪尙識真今日節樓讀洋畫流連江

雪又何人

秦淮畫舫暖圍春時有漁郎來問津閒坐河房思誤字鈞衡誰

是釣魚人

曾忠襄鎮金陵署三條陳某招權納賄多在釣魚  
巷伎館或改節署三省鈞衡爲三省鈞魚

濠泗風雲祚一僧殺人如草自矜能紅燈尙託朱家裔直恨無  
人發孝陵

文與可有閒樂詩亦賦一篇

錦帶茸裘極煖輕南枝欲發繞階行綠醅論斗常澆客墨牘如

山不署名康節小車小安樂子由大事大圓成

小蘇云吾作文  
要使心如旋床

大事小圓轉成書窗四十年工力贏得風襟水樣清

懋翁和灌花韻再賦

金井銀牀水不貧小園花藥四時新十年定有輪困樹一甕能  
盛浩蕩春風起梅礬都有信陽回桃杏佇生仁殷宗自作商巖  
夢幾箇爲霖濟世人

禁體水仙

玉梅 禁用 洛妃 姑射 金銀 綃

朝朝洗沐笑閒身莫認華清賜浴人性愛溫和同柳惠妝成淡  
雅似江蘋幽居有石兼臨水小閣從冬暖到春誰與紅房同守  
歲建茶福橘是鄉親

春興

柳風吹面已和融信有新詩體物工玉蕊一花天下白石榴小  
葉晚春紅聞鶯芳事來心上愛馬禪人出定中窗裏繩牀窗外

雨茶煙搖曳度雕櫳

和甫界之見余金釘釘玉稱稱之句以爲奇絕界之別擬

東國雄冠猶冠首南雷重擔不擔肩一聯再賦二首索

兩君和

疊韻雙聲未是奇建除百一體全非新茶上市磨茶磨白葛飄  
花衣聲去葛衣愛畫時攜棕拂拂量松親解帶圍圍巧思日與羣  
賢競慚愧園翁說息機

奇外出奇青勝藍韻從同紐字中探瓦當平當去硯松煙積羽

扇扇平茶雪浪涵鈿口藏金鎖鎖白花如玉玉簪簪藝林都

識樊山派繡入詩龕我亦堪

藍洲寄示近作五篇效淵明體幾欲奪真答如其數

清晨起櫛髮日出朝露稀秋花滿盆盎庭草發華滋雙魚何處

來中有故人詩故人居杭州我滯河之湄河水不入江布帆難  
與期把詩再三讀如在熙黃時詩成當孟夏忽復御秋衣山南  
桂樹陰花落子離離遲我小山側貽我招隱辭勿嗟會面難吟  
諷良足怡

楚山一片雲出作人間雨滲漉能幾何悠悠返林莽朝偕孤鳳  
翔夕與野鶴伍雲出本無心雲歸亦有所十嶽皆名山仙龍以  
爲府東西南北間何處不相聚引領望吳山亭茗隔煙浦其下  
有幽人臨流葺衡宇明月光徘徊青霞久延佇今我爲閒雲從  
風白來去會當渡越江徑入君房戶

上春接書札招我青桂叢秋期倏已達更待梅萼紅居安憚行  
遠由來情所同河北有小園水竹甲豫中近捐太行雲遙鄰華  
山松子美四萬錢劣能買清風于焉置細弱茗具及焦桐楹間

納書畫岸上牽釣蓬春筍與冬魚良食不在豐塵勞四十年天  
以酬其庸待營菟裘成乃訪桑苧翁含笑語梅花有船吾欲東  
君我皆不飲而皆愛醇酎老年喜吉祥持以介眉壽君有下澗  
莊佃人可八九凡茲十畝田杭秫各五畝春杭以爲飯釀秫以  
爲酒酒熟不自飲藏之待良友野人道士腹時亦得升斗九月  
籬花黃期我來相就中庭敷坐席左螯而杯右相見亦何言以  
手指吾口寧爲平原督勿學杭州守

人生讀書始常有仕宦思及其仕宦日轉羨讀書時出處皆可  
樂當前不自知有官可澤物無官長娛嬰君昔試令長我方爲  
館師及我牽絲日君已告養歸侵尋二十年俱與榮祿辭羣動  
各有息老年閒退宜北堂一卷書西湖數首詩東籬一杯酒南  
岡千樹梅待升君子堂握手論心期緬彼湖上山翦我山下茨

山中有至樂好爵焉能縻

越日再賦

女牆短短露青山林葉初紅未遽殘看盡斜陽留看月令人歡  
喜是闌干

晚至閘上望太行積雪

金屑泉邊過夕陽亂峯如戟拱天閘時人不識鳶肩客獨倚橋  
欄看太行

蘇門雜詩

我來月幾望朝朝雨雪盈及之積霽豁吐月常四更波心一顆  
珠斲我懷中明良辰及美景往往難合并顧惟閒樂者佳境可  
自營日入吾卽息月出吾乃興午夜大光明金波如砥平虛空  
吹綠煙使我毛髮清荇藻與竹柏上下交縱橫石欄坐達曙仰

見七八星俄睹天下白噉然雄鷄鳴

泉上懷抱冰師相

蘇門昔歲走詩筒旌節花來照水東今到青山紅樹底緬懷黃  
閣紫樞中一篇棗竹思君子十月梅花屬相公衛武入爲周室  
輔後來虢鄭莫言功

曉起開南窗看水

池上白鷗如可呼開窗納日望晴湖光搖雲水瞳人活氣得清  
空肺葉蘇廟柏萬針攢老翠山泉千眼沸明珠銷金帳底癡兒  
夢能使溪禽喚醒無

池上絕句

耕煙秋樹麓臺山都在清暉閣下看閒倚石欄掩書坐滿腔畫  
意水精寒

山如碧玉水如銀也要亭臺點綴新待得裝成金粉樣可無瀟灑六朝人

贈叔伊

三筆今爲無價寶五洲君是有心人福州綠荔惟存液相府紅蓮爲寫真君客冰師幕最久對別秋榮商漢學強扶衰鬢閱京塵哀蟬一誄三千字豈獨能傷奉倩神

再贈叔伊

傾蓋逢君勝故知春明何意聚牙期悲懷早止辛樓酒君自後言悼亡

飲即斷選本新添癸集詩詩君有元選老作斜街花市長貧無背郭草

堂資絳雲舒卷丹青上比似淵明此最宜

叔伊所居卽秀野草堂有詩索和次答

門多長者駐珂驂門內佳花湧鉢曇善本棗梨同秀野小園楊

柳異江潭選詩斷爛嘲貽上漁洋十種詩選余雅不喜縑井幽光闡所南風

雅衰於嘉慶末笑他祭酒詔詩龕詩龕事耳詩實不工

過叔伊論詩疊前韻三首

詩客城南合靳驂煙霞萬古埽王曇天然文字風行水定後禪心月印潭樂府綺詞非濮上宋人硬語話漳南苦吟瘦島真成佛彌勒還應讓半龕

思澀真如木絳驂偶拈佳語現優曇氣清羣玉山當戶情至桃花水滿潭雪地抗歌懷郢上風人好色始周南香山廣大真吾友莫遣門庭狹似龕

孰爲前馬孰旁驂老輩咸同散彩曇八代文章誰吏部六朝人物一湘潭綺謂湘此行嘯傲東山上共睹聲名北斗南風雅道衰吾屬老學堂何地著詩龕

五疊韻簡叔伊

青楊巷口久停驂種得秋花不是曇露漬胭脂名花皆愛水泉香  
鈞鈞即愚潭偶談掌故思池北皮閣牙籤仿岱南燕趙悲歌號  
多士中間避世有書龕

六疊韻簡蘅君與叔伊對門而居

歸來對宇出同驂比似羊王有二曇羊曇王乍可觀蓮周子宅  
更期餐菊酈家潭叔伊留余風流捉麈高江左月旦評詩勝汝  
南長日箸書深閉戶草堂蕭冷似僧龕

七疊韻論詩邀叔伊書蘅和

詩壇一杜擬瞿曇王李謂王維纔堪左右驂衆妙合爲衆香國  
百家滙作百花潭嘉隆七子承宏治江左三家敵嶺南美雨歐  
風摧舊學錦囊端合供花龕

石遺作樊宗師歌索和次韻報之

二十始作鄉塾師土硃瓦硯吾安之三十始挂北扉籍教坊傳  
唱龍標詩四十出宰雲門縣宜川在宋鳳皇一任奪我池五換

大縣七被舉自慙羊質蒙虎皮先皇召見邇英殿特達始受宣  
仁知龍馭西巡預帷幄白筆日可七制揮爾時行京歌雲漢兩  
宮旰食民飢疲書生驟膺方岳寄宮門朝夕聞疇咨華夷輯睦  
天下福乾坤旋轉君相爲媯簧軒鼎忽沈寂臣備藩翰嗟衰遲  
一朝寶位禪齊民天子下殿泣且悲朝市晝見絜綸虎山澤夜  
嘯魍魎夔五胡雲擾無此烈即今國難稍清夷三年耆舊聚黃  
浦松陵酬唱樂我飢詞場角逐五十載推排遂忝牛耳持平生  
師友盡尊宿晚歲獲交陳石遺石遺於學無不邃太阿出匣當  
者誰河岳蟠胸作根底風霆入筆驅文詞貽我新刻十二卷歸



方復生無詆諆日下相逢笑開口襲美復得偕天隨長歌贈我  
我顏汗先生之言無乃欺子瞻乃效庭堅體效來詩自云終然黃  
汝高戎宜君五十二孔文舉我六十九傅修期竹林真有沈醉  
阮麥秀莫效伴狂箕諸夏無君臣何貳朝右况復優龐眉長安  
大雪一晝夜金鵝鵲爲白鷺絲閉門索句君家事慕三公者寧  
非癡上殿昨用故人禮嚴光無改羊裘披歸來得詩卽屬和老  
翁酣嬉猶童兒君不見神童今之太史慈兜鍪手戟不減神亭  
時謂石甫

摘句圖

織鈎漢玉螳螂碧細火宣鱸鵲鴿青陶七弟居室雅怨歌好唱  
公無渡轉語真成火不思子珍將出都小伶桐仙賦此白傅故多陳  
酒債荆公新改鄭花名歲暮侍壽丈宦跡漫欲亭畔路詩名甌

甄洞中人

之贈鄧獻謝豹啼時山笱折紙鳶斜處野棠開春日同

侯散外

佩聲夜夜金釵巷帽影朝朝錦帶橋寓杭十日湖上連

盡日暮則入湖上雜詩

瀑流喧似彈箏峽山色明於畫扇峰後雨

發新店賦示內飄揚鐘磬松風裏穿鑿亭臺石壁中聖水草黃

太武擒昌縣雲白重華謁帝鄉舜尙見帝碑襄陵十五里爲堯廟有

漫賦特甚秋水斜通文正里樓在涑岸梅花不似武昌樓紅鶴樓在

西門每過西堂嫌夢短並非南浦亦魂銷晚陶子病來支枕過

梅雨客至開簾放藥煙病起喜雲生見舊箸春明朝退錄新成

冬夜語兒箋黃歲暮寄懷柳如年少張思曼蘭是花中井大春與

示劉廉攜手蓬萊三學士銷魂天壤四嬋娟復孟東野詩酒罷

夫寓樂府可憐朱漱玉舞人應是許飛瓊觀劇世事漆圓方竹

杖宦情蒸熟紫花梨與感前世爲僧三竺寺古人尙友二薇亭秋秦

近代詩鈔

樊增祥

一二十四

伊丈館遺集數年偶檢此簡書可畏如炎暑詩境天然為晚霞月

門車于役省夜久繡簾長窅地雨涼銀燭漸親人雨夜香巢營

就剛棲燕畫舫修成祇欠帆房櫳新淨自題二首作畫定須磅

礪羸稱詩何有畔牢愁贈西屏屬其渭移竹近分童子寺飲茶遠

致老人泉師奉懷愛伯名德已高師尚父閒情猶寄畫書詩或投

尚父謂可師可德對可師尚父館上翁尚書八首妾是珊瑚郎玉樹

兄為鸞鷲弟長離寄仲發官舍別開羣玉府最富書法曹曾坐

念珠廳君久在縣局畫淡詩濃香漠漠酒醒花睡雨疏疏坐雨

幕佐肯從流外辟帥符仍帶侍中銜懷用韓魏公故事奉花如

人面依然姣山傍妝樓分外青贈蘭卿為子持杯歛笑吹茶沫

掩袖含嬌避燭煙題無潑茶風致宜濃笑待月闌干稱淡妝道院

贈有花名長十八月是閏重三肌雪明螺女鬢香沐麝男客聽罷西

伶度曲是日演寒生九月初三夜淚落雙文第二書息得九月初

三肘左垂楊秋後愈君嘗掌中春草夜來生幸資遜掌制濩夢

潛奉寄一首軍憂國重聽金雁雨愛才多植玉蟬花宋子京筆

唯蜀主有之公總制四川采珠夜渡青鶯水其一日青鶯十二讀

曲春深白燕樓讀女子墓誌題後芬斗酒如金隨手盡月華似水滿

身流月下羣白飲示香花禮拜詩天子稱詩王子齡山水情移畫狀

元明正德時江夏吳偉賜號畫狀元賦呈西屏詞人自負張春

水琴操知同范履霜寄遲菊老坡念佛放鸚鵡歐九待賓留鯽

魚戲效吳好雨似求無價寶微雲即是有情天六月望白藕花

如君子淡玉樽酒似聖人清白伏日題陳蓮子空身自喻芭蕉樹

老眼全生蘭蕩花書得再寄清齋罷參香母吟餘翫綠君事東府有

人譏媪相北門無意作奴官懷四疊前韻寫親授大人龍伯號方

近代詩鈔 樊增祥 一二十五

歸使英 仍爲丞相雁行官北史六丞相司徒雁行而漫以鬱輪媚公

主似聞長笛賽婆官劇十戊元旦安揚韻平觀古有三公知趙壹今

無大俠似蘇雙壽八月四日北臺小招同竹熙爽秋廉生伯熙公度次

首答一白公身是琴亭長寶氏蒙寶書名畫拾遺園十月既望過意栗

里奚奴亦人子東山女妓亦蒼生排悶自憐關中手柳酒不及宣

州漆栗蜜連景仰會公以大篇見示敬次有所作以抒久依劉表非

本志用杜事不負衛青惟此人亦爽翁贈于體一議詩自言似效樊山體

僕射功名寧勝酒美人顏色不如書唐詩不如書鬱悔梳洗翁夜雨

淋鈴雙眼淚長星勸酒萬年心五首蛾眉自肖蛾眉月畫扇新

圖畫扇峰三四疊韻代烏黃並入岐農藥青綠爭歸薛卞門上定

子興夫 閑閑居士猶思趙笑笑先生可姓文韻二十五疊不幸滄浪

比梅丈無聊蒙叟挾松圓蘇子美嘗曰平生不幸作詩被東石

甫一春何處無芳草萬事人間重晚晴三疊韻都二分美竹延朝  
爽百丈游絲駐午晴六疊韻東李白平章妃子貌姚黃成就狀  
元詩七寶樓臺成片段六朝金粉寫丰神八首目笑金荃姬妾  
草山當意輕紅杏狀元花再姑射月明看聚雪華清春  
暖洗凝脂玉蕊花堪素丞相楊枝舞爲白尙書一世未逢青女  
面百花都是素王臣丹比鄰鵝鴨無煩惱舊韻馨農有和章

見田山並夏典移居詩去願即移居其宅戲贈法家雅重申不害  
儉人誓斬曹無傷石韻報之併謝惠紙一采洋川雲母竹再搴  
角里水晶蘭芝一名水晶蘭王龍標壁誰同畫李鶴年歌不  
忍聽甫月自花南轉花北星如瓜蒂接瓜臍北斗如瓜臍帶南

榜前一少試院對種成奕世科名樹記取江南掌故花題楊守  
月八疊肝臍韻

晚唐瘦句拈無可東海殘碑訪不空自疊前韻墨竹換詩詩

近代詩鈔 樊增祥 一二十六

換蟹畫松如篆篆如龍詩兒輩初學屬對余出云墨竹換梅邊撲

簸疑花落松頂停凝當鶴看開歲五日猶在大宋落花知貴達顛

張春草足欽奇春與堂以執金吾期仲路將長生藥鑄顏淵宮上張保

師二對坐荷風吹酒面閒吟水調換歌頭呈六疊前韻平鋪蕉葉

為歌席收合楊花作枕頭七疊韻志感鳳凰雖老猶紅尾鷗鷺

初生便白頭客有立談登兩府佛言彈指現層樓八疊韻簡低

著帽簷三寸屋寬留胸氣一條街湖見靈樞小極歸自近觀江表英

雄傳重作幽燕老將行京尹次答再和憂危屢和飛龍引譏切常多

猛虎行疊前韻論詩若亦元不辨兩家綠楊樹合為一本紫荊花

余到京寓四牌樓十二巷內兄竹延夫婦繡漪姊妹豎拂自

稱木上座插花即用水中丞四消夏長留天地惟巢父不廢江河

有駱丞同人四消夏詩篇難為黃祖腹中語肯斫朱溫柳下

頭寄慰官牘宜師宋文鑑兒書添課楚詞燈午窗即事徙倚玉

階生白露徘徊河漢澹微雲早秋寫懷七若到台司全勝我恨

無官職可酬君送敬之權幕職汝勝酸棗尉蘇邁尉勞生吾亦

苦瓜僧題家書後示象論交弟范兄司馬問事今琳古仲舒懷述清

風入戶佳於客小雨沾花貴甚珠梁燕不侯虛紫領池蓮生子

盡黃鬚蟻如偶語原無禁蝶總雙飛較有情清題袍靴對客誠

多事裸袒驕人亦不情用謝靈運事紅蓮落瓣房房子玉雁成

行字字人仲秋進論史莫輕小司馬注莊還愛大宗師偶然人

無畫裏無人畫世豈復有人耶今其畫罕見日我有詩中有我

詩三疊前韻與兒喜生書熟師言苦菜甘題家

近代詩鈔

盛 昱

昱字伯希號韻蒔滿洲宗室光緒丁丑進士官國子監祭酒有鬱華閣詩

石遺室詩話韻蒔詩興趣不及偶齋書卷時復過之題補萬柳堂圖作爲女真蒙古各族占身分歸怨南安其說甚辯然當日甘言易入逆耳難從南安意存報漢非錢謙益等所能夢見但孔子想慕大同故春秋之義更有進者詩中如歎諫諸韻皆傷哉言之則賤韻又非人弓人得之見矣杜鵑行第四句論未持平永貞劉柳擬亦不倫八司馬未陷大辟亦非與人骨肉事

題廉惠卿補萬柳堂圖

北人入中土始自黃炎戰營衛無常處行國俗未變淳維王故  
地不同不窋竄長城絕來往啞啞南北雁耕牧風俗殊壤地咫  
尺判李唐一代賢代北殷士裸遼金干戈興島索主奴怨真人  
鐵木真一怒九州奠畏吾廉孟子秀出中州彥煙波萬柳堂裙  
屐新荷讌詩書澤最長胡越形無間色目多賢才耦俱散州縣  
中州石田集淮上廷心傳終憐右榜人不敵怯薛健臺閣無仁  
賢天下遂畔亂沙頓亦名家淒涼歸舊院文正孔子戒哲人有  
先見至今食舊德士族江南冠孝廉尤絕特翩翩富文翰薄宦  
住京師故國喬木戀堂移柳尙存憔悴草橋畔當年歌驟雨今  
日車飛電繪圖屬我題使我生健羨捉筆意酸辛鋪卷淚凝霰  
我朝起東方出震日方且較似卻特家文治尤紕縵豈當有彼  
我柯葉九州徧小哉洪南安強兮滿蒙漢闐闐生齒繁農獵本

業斷計臣折扣餘一兵錢一串飲泣持還家當差贖弓箭乞食  
不宿飽弊衣那蔽肝壯夫猶可說市門嬌女歎奴才恣揮霍一  
筵金大萬津門德國兵饜餽八兩半從龍百戰餘幽繫同此難  
異學既公言邪會真隱患興凱入彼界鐵軌松花岸北歸與南  
渡故事皆虛願聖人方在御草茅誰大諫起我黃帝胄驅彼白  
種賤大破旗漢界謀生皆任便能使手足寬轉可頭目捍易世  
不可言當時亦清晏武肅墳上松百畝垂條幹萬柳補成陰春  
城綠一片載酒詩人游嘉樹兩家擅

杜鵑行哀楊生也

天津橋上秋風起白衣少年佐天子翻雲覆雨驟雷霆竟與逆  
人同日死死竟無名世尙疑朝衣倉卒就刑時似聞唐代永貞  
際劉柳諸人有獄詞經史蟠胸掌固熟鼈氏未誅蘇氏族歸隱

泉明奔姊喪解官亦欲持兄服隱忍徘徊戀主恩主恩深厚敢  
深論茂陵遺藁分明在異議篇篇血淚痕劇憐六館誇高弟亦  
復城南飲文字黃謝李約當時皆偉人與爾論交折年輩萬里  
魂歸蜀道難觚稜曉日自年年杜陵漫灑雲安淚從此西州有  
杜鵑

丁酉歲杪爽秋觀察寄所刻叢書及所著文集來書云赤  
縣困窮九流混濁終當引去重感其意四疊與雲門倡  
和韻敬以奉報不干時事亦無標榜不過刺取所惠書  
名如千里之賦一塵爾

阿佟抗議記袁安幾載烽烟失馬韓獅象不流金界水鼈魚新  
置鍊橋官自興安至三韓東西巨流止一也虛名色目臣唐兀異

姓林牙據拔寒太息東溟波浪惡嚴灘歸釣亦殊難衛藏通書吉林

外紀黑龍江外記寧古塔紀略元親征錄祕  
史注湛然居士集嚴州圖經景定嚴州續志

經籍如今合表揚縱橫名墨太猖狂術家日日占兵忌醫匠紛  
紛變古方司馬文章皆粟帛臥龍終始在耕桑那容一舸便歸  
去村舍漸西烟水鄉經籍學要尊經閣祀典錄汪氏兵學三種  
大素齊民要術農桑輯要相雨經及爽秋

文所  
集著

近代詩鈔

王仁東

仁東字旭莊福建閩縣人光緒丙子舉人官江南鹽巡道有完巢賸稿

悼亡

月圓花好最相思又是花殘月缺時  
卿慣遲眠儂早起半生形影半參差

去夏觀荷泛小舟與君攜手說重游  
那期歸去西湖寺門外白蓮相對愁

短吟唧唧比秋蟲三十學詩尙未工  
却勝寫真全不是爲留遺照數篇中

定慧寺觀寶竹坡遺帶

近代詩鈔

王仁東

一

一



頻年忍痛潤州過今昔存亡感若何國事竟隨人事改酒痕不  
敵淚痕多棟梁已朽無完瓦隴畝何知竟倒戈猶見竹坡留帶  
在焦岩重至幾摩挲

春意

和肖輪韻

逝水韶光盛會難乍晴乍雨意闌珊籬邊堆雪梅初落牆外餘  
霞杏又殘社酒可賒思共醉春衣欲試怯輕寒勝遊已爽郊垆  
約萬紫千紅眼倦看

喜雨寄緘兒

矮簷淋汗對驕陽盛夏炎威不可當破壁透風居室陋踏車引  
水課農忙雷聲震起歡心動雨勢滂沱夜氣涼寄語阿緘耐艱  
苦秋成預卜歲豐穰

愚園過洪鷺汀故居感賦

淒涼重過故人廬苦茗澆胸鬱不舒晝靜名園遊客少天寒老  
樹着花疏別來君竟長眠去亂後吾猶短髮梳舊雨晨星寥落  
甚凭闌春色滿庭除

佚題

胡漢恩知自淺深莒敖往事久沉吟錢王獨義羅昭諫不以唐

亡有怨心

舒文王極明妃曲漢恩自淺胡自深人橋詩如開柱厲井

死報于唐必有怨心及聞其言心義勸武肅討賊為易五詩證

徐園卽事步乙盦韻

枰設方敲子琴懸未拂絃深藏魚避熱孤立鶴忘年客枕惺忪  
夢鄰炊斷續烟沉吟疑隔世相悟靜中禪

直廬補成一律錄呈海藏

五年三度送君行秋思侵尋別思縈肝膽向人知寡合頭顛似

近代詩鈔

王仁東

一一

我愧無成冷官祿薄資升斗壯歲情親只弟兄尙喜難馴龍性  
在不因身世感勞生

近代詩鈔

林 晟

晟原名如玉字希村福建侯官人光緒己卯舉人官浙  
江候補知縣

虞山弔錢宗伯

倉皇同志有忻城鐵騎橫江把臂行愁殺石城閒草木當年親  
見褚淵生

賦得莫愁湖鴛鴦

笙歌艇子破愁圍載得王昌緩緩歸左右成行三十六一湖春  
水落花肥

近代詩鈔

顧印愚

印愚字印伯號所持又號塞向翁四川華陽人光緒己

卯舉人官湖北知縣

石遺室詩話印伯與楊叔嶠同爲張文襄入室弟子余  
識之二十年惟見其飲酒作字鬪詩鐘未見其爲詩梁  
節菴以爲工晚唐體今觀其門人程穆菴所輯手彙皆  
宋人語也

答洛生七弟汴梁見懷十首兼懷桂生豫生陳生

錄九

洛生七弟書來言辛亥歲秋後與桂生八弟會於汴梁  
賦詩見懷以那知風雨夜復此對牀眠爲韻依韻報之  
別難序遽更書阻愁無那江湖徹關塞天地入兵火一炬豈由

人百罹逝逢我冥行安得塗枝梧自右左避兵古亦有蹈地奚  
擇可蹙蹙俛仰閒臨臬付危坐

昔別記何許庭葉初辭枝袖中故人書遲爾還山期酌酒雙玉  
龕侑以閒山詩念爾賢隱莊水竹可娛嬉

頗饒水竹山中難久留歲晚情悽其一別成四愁當前寧預知

披襟同庶人楚客誇雄風秋飈動七澤激蕩蘭臺宮鏘鏘金鐵  
鳴燒壁蒸天紅潭窟舞支祈柱維觸共工樓船不可濟橫鎖江  
流中鵠磯萬雷霆危堞支秋蓬蕭蕭閉環堵霜葉圍書叢延喘  
且復夕飢凍餘禿翁

檐角搯夜霜硝丸墮如雨頗賴近社安徽宵聽更鼓

戶未穿錢鳩而下每夕橋聲遠舍不絕槍礮聲亦不絕橫飛迭落幸未穿屋而下每夕橋聲遠舍不絕槍礮聲亦不絕橫飛迭落

口合髦悼幼孫芝苗七歲食息且棟宇脫衣易升斗鹽薪亦悉

數稍儲旬日糧餘事委龔瞽枵中殘字在捫腹餒自煮

嚴城數詞諜魚雁無憑藉百日斷消息沈沈井中夜畫江限衣

帶南北備無罅遠念梁宋遊阻兵安稅駕孰謂舍弟來相望僅

一舍信使梗連營此情足哀詫知狀歲已遷回省淚餘瀉

一年九月廿九日從北軍幕府來曾駐蕭家港者旬日爾時江漢分塹一紙萬傳但聞之道略知老兄在圍城中舉家未出走耳今春書來乃具道之

閉塞知成冬天道罔不復江春度梅柳漸喜通書牘生存幾親

舊慰問逮幽獨頽齡人閱世往跡岸爲谷諸弟審所在觀穎各

寄躅老去歌急難看雲淚相續得報歸陸渾敢望守杜曲何時

會江陵言就草堂宿

同谷飢拾橡哀歌懷弟妹詩稱吾家事奔竄未忍廢耽吟亦何

苦漫與寄憂愼他鄉各異縣時運迭更代宦學本無殖漂蕩復

誰懟稍覬鬪爭息書冊二贏載略綴菰中筆學種東坡菜四海  
吾子由白髮晚相對

庸敬以吾長肩隨聯雁行于今五兄弟各瘦何人強豫也來自

申同我奉高堂

豫生

老母

頃來

弟與

子同

有漢

問陳

也同

兄居

洛生

居弟

從中

桂也

方北

翔京

師生在

手附

黃耳

書心

知白

眉良

玉山

亦何

稿餘荒涼聊從漉葛巾劣許穿藜牀

澆花

歸無

堂陽

羨居

無田

歲歲

籬下

寄矧

茲燕

幕懸

聞君

說賢

隱丙

舍依

牛眠

山鄰

頗愿

朴水

木尤

靜娟

旁舍

種種

稂莠

可冀

營

數椽曩愛何信陽出手明月篇有斐追初唐秀奪徐李邊退居

所結廬想像帶林泉誅茅庾就宋或者宿昔緣對老不任耕課

讀能勉旃宗文遣樹柵信行筓水聯庶吟下撰穫與子安餘年

辛亥歲秋分以還至於長至小寒百許日間蟄處一室涇

薪煨突毳裘獨擁閉關偃仰書藁中時復頌酒讀幽風

之詩曰塞向墜戶入此室處時乎時乎所爲閉塞而成

冬乎乃榜室曰塞向宦亦自署曰塞向翁題以四韻貽

知翁者

牀下先知從蟋蟀卷端服息數蟬魚嚮明豁眼應無分投老盟

心有此居幕席解醒千日酒丹鉛留蛻一盒書江春儘力迴天

地淨掃知聞付夢餘

此詩

爲辛

亥在

武昌

園城

之

作

辛亥嘉平先立春一日得穆庵書賦富並寄十髮翁

九面隨帆望復重手書珍重臘前封卽看好語迴春色正憶相

留到曉鐘長路尙迂花石成全家擬向翠微峯臥游愜賞風期

永賴侍傳香大小宗

次韻奉富十髮翁兼酬穆庵寄和之作

近代詩鈔

顧印愚

三

二寺松門幾揜重橘洲田土亞侯封友于花鳥扶斑白天性山  
林遠鼎鐘元亮巾車娛近局道昭題字炯雲峰

名山二語書  
刻嶽麓山堂

竹林迴謝濤戎意只索阿咸款嗣宗

石巢  
于大年曾集  
納于大麓藏之

### 題程穆庵石巢讀書圖

帶草榮書石聽詩舊安巢處鳳棲枝穎居叔黨能爲賦籀注游  
秦早決疑佳日林亭良不負清秋篇什最相思打鐘掃地尋常  
事過客光陰讀畫時

### 寄程默叟

二十年來友公擇山中知有野夫兄對牀聽雨交晚歲老屋讀  
書無世情六秩開筵吟白傅五男好學勝淵明石巢客醉題詩  
去南斗孤懸湘水清

### 寄張亞曼海上

客訊譌隨藥地羣手書省睇歲星君金門往日真遊戲桐館何  
時緝放紛受姓如聞理寒石投牋莫擬范希文且煩海上邀青  
鳥迴向山中話白雲

### 病中岳二兄朝夕臨過兼聞鄉訊感賦

病榻來過風雨交應時不已自啻嘍萬竿惡竹誰從斫一曲清  
江莫定巢天上虛傳清暑殿人間寧有孟城均側身四望歸無  
所聯句城南豈愈郊

### 答洛生七弟見懷之作次韻

當年大母煦諸孫今我生孫解候門無以爲家行未已不遑將  
母疚難言夢中俛仰何身世病裏扶攜倚弟昆還見新詩獻康  
樂鳴翁春草得重論

### 岳鳳吾兄見示羅鵬孫東鄉來書感謝

兩鵬孫值白鹽隈丙戌春三十年間首重回歡泣相逢巢鳳隔  
瘡痍彌望峽猿哀郵籤尙許鄉書達槿布空愁織杼灰若問枯  
椽兼病榻鄰非兵入總燒摧

此日一首

極知此日足可惜頗恨故人期不來况是垂帷又風雨不能與  
月共尊疊繞枝烏鵲愁三匝獨夜絲桐動七哀息息博山心字  
印溫磨香炷莫成灰

辛亥歲長至小寒節間羅四峯兄每從漢皋還菱湖樓居  
輒過敝寓留連置酒不減杜甫之於蘇端也

寄愁埋照月三弦過隙沉沉井底天誰道夢中猶識路劇憐寒  
盡不知年渡江名士仍流寓飛矢行人未解懸枉愛蘇端能數  
過鷄鳴風雨濁醪前

贈黃鹿泉翁卽次原韻

雙井詩翁老不癯竭來酒舫石魚湖訪碑遠及高曉館據几新  
題雅集圖有味清言傾麈尾未勞拄頰置魚鬚麓山物色分留  
在十髮相將趁一壺此石巢本事也

岷江一首

觴濫鵝村注岷搖西波東漸畫南條海門組練樓船入蜀陣風  
雲石菴標郭賦臣唐人代改禹書匯漾地形遙巴流學字郵無  
字望盡吳船萬里橋

得節盦海上書却寄

代不數人能幾見去去江空歲年晚閉門一字不堪煮無補費  
神詩作蹇西風盡夕城滿塵帶水沸潮消息斷十七柳凋十桂  
爨更問菱湖與桐館風花一瞥旋成毀那及黃樓醜魏衍書來

兩鵬孫值白鹽隈丙戌春三十年間首重回歡泣相逢巢鳳隔  
瘡痍彌望峽猿哀郵籤尙許鄉書達槿布空愁織杼灰若問枯  
椶兼病榻鄰非兵入總燒摧

此日一首

極知此日足可惜頗恨故人期不來况是垂帷又風雨不能與  
月共尊罍繞枝烏鵲愁三匝獨夜絲桐動七哀息息博山心字  
印溫磨香炷莫成灰

辛亥歲長至小寒節間羅四峯兄每從漢皋還菱湖樓居  
輒過敝寓留連置酒不減杜甫之於蘇端也

寄愁埋照月三弦過隙沉沉井底天誰道夢中猶識路劇憐寒  
盡不知年渡江名士仍流寓飛矢行人未解懸枉愛蘇端能數  
過鷄鳴風雨濁醪前

贈黃鹿泉翁卽次原韻

雙井詩翁老不癯竭來酒舫石魚湖訪碑遠及高曉館據几新  
題雅集圖有味清言傾麈尾未勞拄頰置魚鬚麓山物色分留  
在十髮相將趁一壺此石巢本事也

岷江一首

觴濫鵝村注岷搖西波東漸畫南條海門組練樓船入蜀陣風  
雲石蘊標郭賦臣唐人代改禹書匯漾地形遙巴流學字郵無  
字望盡吳船萬里橋

得節盦海上書却寄

代不數人能幾見去去江空歲年晚閉門一字不堪煮無補費  
神詩作蹇西風盡夕城滿塵帶水沸潮消息斷十七柳凋十桂  
爨更問菱湖與桐館風花一瞥旋成毀那及黃樓醜魏衍書來



海上如說夢自在人間已枯苑斷雲含雨向何許淚眼不晴天  
不管布衣許身老轉拙失計殘年難飽飯屣綦故蹊綠苔滿子  
寧不來夢當返小別千年萬山遠

晚眺明月橋南石步間偶題

沙坪殘草伏雛雙明月杯湖帶石矸我酌長瓢從漫叟天然祕  
色舊雞缸

過景桓樓故址感賦

景桓樓角織烏寒鐘漏音沉壁畫殘寧省獨來迷處所記從高  
處凭闌干

重到京師感賦寄程穆厂

鳳城平日萃公車回首盧溝歲月賒退谷儘容孫北海籠堂莫  
問李西涯價留燈市前朝扇香散斜街曉擔花賸與放翁評世

味白頭騎馬客京華

近代詩鈔

李慈銘

慈銘字愛伯號蓴客浙江會稽人光緒庚辰進士官至監察御史有越縵堂集白華絳跗閣詩

石遺室詩話越縵身丁亂離遇復踰蹙而聲詩極乎和平不特不抑鬱牢愁亦並不矜才使氣題詠金石書畫自其所長而閒情之作偶亦所喜

惆悵

戊申二月予此年作詩最多一時喜效馮班袁枚半為美人香草之作今存一首以見其略

畫堂南畔曲闌東柳下毬場盡日風細草色從人去綠小桃花為燕來紅收簾院落釵聲裏燒燭樓臺雨影中惆悵此情誰更見玉璫緘札總難通

初夏舟出徐山邨綠梅里尖之麓至清水閘二首

近代詩鈔

李慈銘

曲曲陂湖雨後行田居五月有餘清  
稻苗風裏欹篷坐手卷農書聽水聲

梅里山尖眉翠新山前邨落樹爲鄰  
綠陰夾岸林塘午一路蟬聲不見人

邨居雜感九首

局迹蓬蒿百感侵數椽老屋傍江潯  
賤貧半世生涯拙風雨荒齋歲月深  
難卜死生天定局與時憂樂我何心  
箸書射獵都無謂華髮蕭蕭學楚吟

率錢隨例及窮門負郭田猶一頃存  
縱僅涓埃須竭力坐叨衣食總孤恩  
山中漸乏茅容饌殿上虛聞卜式尊  
惆悵君親成兩負侏儒飽粟更休論

時郡官屢來索餉

感念今皇建極初綸言迭下免征輸  
民頑尙忍連羣盜廷議還

聞斥重租

廷臣有請加賦者上不許

窮海波濤艱輓運諸方草木缺儲胥司

農可更無劉晏宵旰何時得少紓

桂嶺千盤毒霧多養癰從此潰山河豈真小醜關妖讖誰使中

軍祇雅歌

周巡撫以名士鄭巡撫祖

宗澤尙存寧至是

謂林文忠重湘

雖險待如何督師忍召鄉邦禍身後還應誓枕戈

謂李

洞庭千里氣蕭森殺伐愁連大地陰上相徒聞馳傳出全軍已

報鑿舟沈蠻氛日夜蒸江漢鄂渚風煙閱古今一片塗膏問誰

致祇應猿嘯答楓林

倉皇直下豫章城江上聞風潰列營沔口三旬餘劫火潯陽九

派匯軍聲元戎已見奔單艦都護空勞集守兵約略諸君功罪

際陷疆事重陷身輕

金陵翻手作潢池京口淮南勢莫支九道出師唐節度五胡假

近代詩鈔

李慈銘

一一

號漢旌旗

時賊首偽稱明裔

并無天塹憑江壘尙想留都伐罪時先後

親征煩叔父賢王好繼繡裳詩

時惠親王奉命統軍

聞說淮東斷麥苗黃巾乘勢揭竿招天輕民命灾祲迸地入中原盜賊驕解散定勞分討策承平誰講禦荒條天生李晟今非晚只在忠誠翊聖朝

側身天地一登臺極望東南事可哀流水自將遺恨下夕陽無數亂山來我生不幸值多故平世猶難容廢材許國誰能信年少千秋人惜賈生才

### 孤山弔林處士

高人去千載遺址我重經不見梅如雪苔花滿地青湖山失真隱歲月有荒亭慨念昇平世東封願勒銘

### 書近况寄諸故人

八口饑寒四國兵未能將母況蒼生人經多故文章健事到難圖出處輕家世謝莊無老壽弟兄王楷盡癡名一聯輕甲難消受不敢軍前請繫纓

### 十二日偕子九平子夜集蓉生家復與子九夜話

一年幾高會行樂故鄉寬酒到春宵煖談深月色寒賤貧知己少烽火別家難相對增悲感勞勞二鳥看

### 鑑湖柳枝詞

城南古迹已迢迢無復行人問舊條花落年年溪信到水聲還恨柳名橋郡南門有柳橋爲昔人送別地橋下通若耶溪春時常有落花流出

湖雙邨畔綠絲絲正是同心綰結時但祝一生無別恨年年春

社柳姑祠

偏門外十里有湖雙邨有柳姑祠沈約詩所謂山陰柳家女也

### 九日寄雪鷗

近代詩鈔

李慈銘

三

越山雲物逼秋清細雨黃花易得晴落葉與人爭野渡斜陽隨  
雁下江城無多朋輩艱求食如此窮途未悔名念爾閉門誰送  
酒登臨應解遣遙情

又用前韵寄凡公

結就蒲團世外清花間寒梵裊初晴霜痕近水秋歸樹山色連  
雲夜出城詩境含元參道氣危時習懶借禪名打鐘埽地平生  
願合向祇林證古情

又次前韵寄東浦周氏兄弟

三間老屋水雲清對臥桑麻課雨晴浦鳥帶波衝岸樹漁帆如  
雪落江城宦途多厄聊充隱世路招尤爲嗜名誰信登高能作  
賦茱萸珍重弟兄情

壬戌人日作

烽火倉黃裏忽忽過立春前一日全家皆陷賊今日尙爲人生

死俱難遂傳聞總未真東風將客淚萬里達慈親

癸亥生日作是日立春入曹視事

生日逢春至高堂定慰情一官隨左戶隨始定左戶等廿載魯

諸生冗散初叨祿定制惟戶部給養廉銀皆鄉關漸息兵是日杭

州垂况逢元始年家謂上元曆將母祝昇平

燈下讀爾雅偶題三絕句

郭注邢箋總不刊近來邵郝更精殫漢文博士何時復欲並三  
家立學官

名物山居靜可擘光陰炳燭惜中年窮經更有陳京約補勘毛

詩與鄭箋時與德夫約明春結伴南歸德夫欲治

嚴寒入署戲詠二律示曹中諸君

小來粉署曳鳴珂負手茸裘祇自哦豈有朱儒因粟飽亦知星  
宿笑人多森森都是槐楊未了了無如今史何賣卻鑑湖真底  
事一官那得抵漁蓑

畫諾虛勞問姓名綠莎廳少履綦聲低眉總覺輸公等捉鼻深  
慙動宦情誰信清流爭此地絕憐款段負平生貴郎豈是相如  
意多爲淩雲賦未成

人日游廠市歸悼德夫作

去年人日無酒錢從君借書仰屋眠今年人日貧猶昔獨自題  
詩淚沾臆年年烟景開帝鄉黃壚吹徧春風香孟公已化甕頭  
土從此人間無酒場洛市偶然障方麴俊馬高車怒相逐眼底  
紛紛此輩存撫棺誰向城南哭淩雲一笑安在哉江南千樹梅  
花開夜夢邀君故山去對飲花前三百杯

人日寄曉湖

梅花人日草堂前久客逢春倍自憐尙有天涯兄弟契幸過鄉  
里亂離年酒香畫鼓卮頭社燈影青山客裏船爲語東風歸計  
準南湖烟月占君先

花朝夜飲聽沈秋歌懷德夫兼示其弟邁夫縣令

煥風明月趁今朝旅節傳杯不自慆曲檻花光添酒豔小窗燈  
影向人嬌交游已歎無陳重歌舞何能遣沈翹又是窮涂同作  
達人間地下可憐宵

梅雨中至申江

茗芋情懷黯淡中熏衣生怕熟梅風分明襟上離人淚併向今  
朝發酒紅

進杭州北關見湖上諸山

近代詩鈔

李慈銘

五

百戰臨安劫後塵湖山都換舊時身多情只有黃妃塔猶自含烟待遠人

春初登鄂州城訪黃鶴樓遺址憩呂仙閣望夏口

翼際山東東滄浪四千里沔來入江沙羨斗起拄其頷波濤萬古長春撞我生浙東屬江委湖江直至夏水汜三旬偃臥官齋寒忽地登臨白雲起黃鶴仙人不可求襴衡李白貉一邱江山俯仰百年盡人生何地非浮漚何況烽烟莽城闕原野蒼黃戰爭血中丞百戰荆榛開謂胡文忠公留與吾曹攬風日隔江城郭多酒樓萬家隱隱春燈稠一聲玉笛不知處大笑題詩在上頭

發武昌明日渡沔登翼際山上晴川閣望鄂城寄張孝達

編修之洞

客游欲歸不可遏一騎衝寒傍山出長江雨急飛片帆回首高

城暮烟合今朝日霽筋骨強直呼筍躡渡漢陽峩峩大別古翼

際大別山漢志言在六安之安豐縣爲今光黃間地而漢口之山本名翼際水經注可證自元和郡縣志誤以此當大別而

光黃間之山遂無可考上有傑閣凌空翔丹迴碧聳五雲矗下

接洪波轉坤軸帆檣如薺履底來萬里端倪界吳蜀沅湘漢瀆齊入江中流一髮相低昂朱闌突兀倚天半幾人撫此悲滄桑博望乘槎在何處一水盈盈隔東渡登高載酒無佳人獨立蒼茫不能賦吾儕天意重合并況復身賤輕遠行魯山孤塔斜陽落腸斷城中鼓角聲

題峴樵粉東老屋校韻圖

古人取韻緩清濁限方域世儒泥章句音義遂煩數長短齊人言輕重漢儒讀後出益紛拏圈發逞私欲梁陳講聲病強以四聲束高貴泉梁武卓識獨破俗奈此風會翫浮華斲其樸偵倒

言下上虛實味秀宿嗣乃切紂紅頊改翻許綠燕說誰爲刊天  
籟反遭楛北宋家法存近守唐代躅丁賈皆經儒同志有洙王

淑李十卷十二凡部別慎通獨性繆偶賄孫恂典刑未祧陸字

不取類隔文亦參篇玉別體務薈萃一音自聯屬雖病雅俗殺

尤多形體複觀過宜知仁多文在富蓄誰歟妄兼并畫部成百

六疵議叢劉淵叔始實文郁大金王文郁平水新刊韻略出於正

部先於南宋劉淵叔始陰時夫也國朝勇復古亭林

首張目十部至廿一研析遞繁縟經子務博證集矢徧吳棫入

聲互割配頭脯強接續其意或過通往往見違觸之脂支必分

元魂痕當副無錫與儀徵雅冀古騷復無錫秦文恭營以江戴

三百篇析爲二眞殷當從唐人同用上聲拯去聲證當分三出獨

之說欲并廣韻定爲古韻廿昌言終未行習非徒嫁嫁蒙嘗發

狂論吹萬貴抱蜀雙聲本天機造化具宮籙六書半形聲偏旁

不相黷持此兩大端如宗合其族一掃塵徑燕兼通絕津軸霓

蜺枉分別頗陂免點辱屢欲勒一書私以詔家塾病懶輟觚翰

家貧艱畢牘羨君勤箸述榆陰掩深屋朝夕羅丹鉛雅詰盡纂

錄體乃方密之吳山夫殊義與朱夏儀儀足簡鍊比治兵

爬梳類折獄卽規經濟優豈爲盤錯衄此圖便千秋雕蟲等奴

僕

自題霞川老屋圖

我家世在城西居翰林吳君爲績圖長安塵沙正眯眼突兀忽

見先人廬二百年來有此屋東南斜抱兩河曲先宅本臨橫河

直城邊綠樹萬家烟橋畔朱樓百竿竹橫河北絕官瀆流烟波

浩淼無春秋鷗鳧四散不知處鳴榔往往聞漁舟直河西接錢



青水迤邐長流百餘里估帆日夜排檣來豔說霞川一灣綺蓬

萊驛路清風多連雲綽楔垂女蘿會龍尚記前朝事宋理宗潛

所作會龍橋歌臥虹不絕行人歌西郭虹橋市先人辛苦一塵寄舊德

清門子孫庇規制樸陋無敢增宗族環居莫輕棄幼騎竹馬攜

短童東眷西眷隨所從鵝鴨時閑比鄰塾紙鳶閒趁陂塘風最

憶讀書一弓地楊柳臨池瀆窗翠擁卷隨時倚樹吟洗研呼儔

捉魚戲我生三十行適燕滄海橫溢無愚賢馬蕃亦逐賈區盡

桑柘一例隨飛烟歸來城郭都非舊到岸牽船暫相就新豐門

巷何處尋安仁故第從誰售海燕年年繞屋飛夢中圖畫是耶

非多情惟有霞川水日望行人萬里歸

孟鼎銘拓本為伯寅侍郎賦二首

粲粲孟鼎銘吳子苾陳壽卿編修考已備侍郎精古籀抉摘無遺義

我所三摩娑尤在玟珉字銘文俱左加玉字於古無可徵請

更對以意呂伋諡丁公說文作玨誼丁癸本殷號周人始制諡

偏旁隨事增古蓋有斯例唐虞及三代以玉供神事大夫有石

圭郊宗詳其制王公當用玉疑非起後世諡為作主用加玉所

以志此乃真古文千鈞一髮系寄語一孔儒橋舌莫詫異說文引

玨公蓋出左傳微福於太公丁公句許氏序

所貴金石文為可證故書佚事或剏獲小學猶其餘茲鼎鄭重

言宗周王命孟錫以鬯一占黻冕車旗俱邦司四百人僕馭至

庶夫皆銘語是當為重臣何以名泯如成王廿三祀銘末云唯王

以其文屢言文王之武王且據洪範稱祀此亦稱也警酒資訐

謨銘中敢有無敢初疑武之穆孟本可通邗左傳邗漢書韓表

以邗侯與伯禽呂攸同列五等邗後即今山西孟縣也然此述

王命豈容以國呼又疑孟子借唐叔字子于然曰祖南公世系  
難強誣乃銘中三稱班表有邗叔時地亦未殊人表又有邗叔在

世其人又無攷傳會滋成愚祝雍與陶叔一例同嗟吁大禮云  
周公使祝雍祝王左傳定四年云陶叔授民  
二公皆成王時而它無見此孟亦其類也  
仰屋徒自笑秋風

在庭梧

齊子仲姜罇二首為鄭盦賦同治初年出山西榮河縣五

月仲吉丁亥魯隱公叔姜寶罇

我讀齊罇文書闕乏左證獨取聖祉字古誼藉以正親殉傳考

妣從女疑非敬說文有祉字乃訓祀司命此文兩皇祉配祖義

相應文有曰皇祖聖叔皇聖姜俱从示作祉幸得三代物可與浚

長諍左傳有聲姜公羊乃作聖聖聲字本通俱從耳能聽白虎

者通也說文風俗通聖附會不生國諡法未可凭云周書諡法國

曰聖信聖之訓為睿義亦同善令聖叔與聖姜茲文非假倩以

此裨雅說博搜儻非病

齊景賜晏子邸殿鄙六十或謂即都昌先為丑父邑乘本說齊此曰

饒叔孫饒疑逢之別下述侯氏命錫邑三百室其外邑又九加

田進以律邸獨兼都鄙古文猶可識文有云又九邑與之邑二

民道鄙文氏者古文易即此略變耳錫文通邑例二即九字十者二

百邑者謂十室之衛邑分也百邑孫免千室左傳晉景公賞卿中桓

萬子鐘矣此大室國語上所稱也千餘則之九邑百七其田百萬不晦等此云鐘則邑

得二百幾何九故知是以邑戶數則也又九邑者又既錫以十制室之一邑九之周

至禮司鄙助者謂金邑也古者賜采地田與邑殊列卿田祿萬鐘賦

稟有定則邑乃出特賜置宰守宗祏用以旌殊功歸老為世及

左傳孟公賜季友汶陽之田及費之防鄭叔段之別京晉欒若季氏之

特賜邑氏之晉陽畢萬之魏衛孫氏之威齊管氏之小穀皆以功  
賜邑於鄉故盡有都鄙後賜晏子者或其鄙之餘也功  
意者逢

丑父惠叔名是易故云勞齊邦子孫食其績文有云惠叔有刻  
畫頗曼患吾黨重蓋闕寶書秦盡焚世本宋又絕徒衰好古心  
展玩三太息

京邸冬夜讀書四首

日入夜氣定皓月當窗隅晷短課常絀難燭還讀書插架雖無  
多擇經頗有餘意專生默悟力猛忘前紆隨時理舊業道一無  
岐趨禮爲六執本名物尤根株此事未剖析安足名爲儒所苦  
乏記憶一密嫌百疏深思始知艱博搜乃愈殊亦或遇創獲孤  
怡慰積痛閒復及百家流覽息我劬有生秉孤尙誰能惑他塗  
庭樹葉盡落上承月與霜銀燭與相映內外通清光茶壚養餘

火風簾敞虛廊曠然無一物星斗在我旁遂覺肺腑瑩清新發  
文章嘯詠一俛仰天地相低昂豈不患飢餓明晨尙無糧此樂  
足予餉進修安其常霜厚宿鳥噤吾亦夢禮坐

街頭叫賣物果餌醢餽雜以乞兒呼月慘聲彌高驅車忽雷  
動隱鱗一何驕上者走貴要次亦競酒肴苦樂雖云別身心同  
其勞亦有就燈火高視羣兒曹搖頭誦帖括攘臂談風騷生死  
橐龔誓吐納儕儻蟪其閒稍才俊大言益囂囂碑攤漢魏字器  
列商周朝問以五經日茫然墮雲霄人憐不自慙噉名忘中枵  
荏冉歲華逝姓氏吹枯蒿同有此夜月萬竅爭謹號閉門不相  
聞凍竹風蕭蕭

昨日中旨下率錢修離宮讀詔私太息此舉宜從容聖人秉純  
孝不暇權始終長樂樓百尺積慶花千重取足天下養承歡良

無窮四海幸平壹物力猶未充島夷怙羣醜鼯睡長安中誠宜  
法文景勵治威諸戎安可舍禁鑰危照甘泉烽臺疏閒一上未  
得回宸衷賢傅造辟言主德本至聰豈不念民瘼何難罷新豐  
事關國根本連章期諸公冗官未食祿涕淚徒沾胸伏闕詎可  
效草奏誰爲通負此讀書力僅爭章句功漆室夜深議四顧無  
予同

題燕子箋後絕句

變相重登點將壇此才真似沒遮闌笑他浪子錢紅豆同演明  
妃雉尾冠

近代詩鈔

袁昶

昶字爽秋浙江桐廬人光緒庚辰進士官至太常寺卿追  
諡忠節有漸西邨人集

石遺室詩話爽秋詩根柢鮑謝而用事遣詞力求僻澀則  
純於祧唐抱宋者句如日鑄半甌南埭汲風漪八尺北窗  
涼神禹久思窮亥步孔融真遺案丁零大千人爲物之盜  
自注爲母猴  
也故對實字十二辰蟲如是觀此例甚多

北游詩五章

金山東西林

國語山曰阿爾泰山則西金山也

東 鍊山三千區繫中

國之利毒天下有餘鹽鐵古有論治官職常輸昨來析津口官  
船敗沙淤估胡造大舶瓘若黃金塗彼挾有利器豈我武庫無

動訾管商者拘瞽何其愚

亭林疏布士其氣雄萬夫當其十三陵杜鵑拜何劬每慕文淵  
牧曠莽林野娛昏谷量牛羊世事百不如名恥登薦牘迹則淹  
神都晚息華陰機茲亦栖精廬遺迹城西寺濁醪薦雙壺溪毛  
懷近躅泠泠何與朱

慈仁寺顧  
先生祠堂

南州春已闌北平春方始妍妍杏花繁吐秀殊可喜黃沙白雪  
中對之光蕤蕤西山向我笑粲然有心理館宇非一區烟嵐凝  
暮紫願結公超廬巖陰或成市

### 和胡景曾

昨客淮南今薊北逢君園徑糝槐花一流垂盡才無賴十上空  
勞遇尙賒河朔樽徒連雨飲漁陽鼓已落颿搥何方借得新巢  
住且入長楊聽曙雅

時予得中正榜仍  
報罷以警爲閣揀

### 和李愛伯臺郎移居

槐樹斜街朱老宅藤花古屋阮翁居主盟結社今誰屬刺齒持  
梁總不如檐竹好移金璫碎研池更挈玉蟾蜍莫嫌郎署浮沈  
久會起通儒議石渠  
先生讀易注騷處越國才應抗蜀才室有奇書排錦暉門無雜  
客繡蒼苔草玄不待丹吾轂枕麴何妨聖汝臺幾日掉頭柯水  
去誅茅歸傍小蓬萊

### 簡孺初五六七言斷句

儋耳居無儋石枝官日出枝言海山歸棹何處虛室微明自溫

### 隣寺

奇情不在山好景不在水此寺獨於塵壒中辦作蕭然出塵理  
夢迴月澹樹陰移微鐘忽度青松枝蒼茫危坐不肯曙兔角焦

芽何所思

書慈仁寺壁

風中竹笑折要吏壁上蝸隨行脚僧去固無心住亦好俗猶未  
免道何能鉤翰雨喚如村陽鬻沸茶圓倚瘦藤一出山門塵隱  
隱誰辭赤阪蹋增冰

李萼老家藤花盛開

窮官半畝宮例占藤陰翠籠籠靖安坊

韓文公第有偶坐藤樹下

簇簇海波寺

朱竹垞古藤書

天憐稽古劬何以償蕉萃空中雨

瓔珞纈眼相慰媚何用萬年筇餐霞赤城戲

竹垞有以天台萬年寺藤杖贈尤悔

詩庵

春華夏得蔭几簞供位寘不知誰手遺蟠鬱欣得地定有澹

蕩人惜哉漫

聲平

鏤字離樓松枝撐四角蒼官植天然青油幔倒

冒綠毛使雨餘風日美落英亦可餌崖蜂抱香去蜜熟病兩翅

佳人怨寂寞紅迸唾壺淚招君薤葉書步虛辭玉笥盎然釀古

春會合判一醉竹鱸兼茗椀解作一生事倦枕含風漪飢餐虹

景祕前韓後朱十狂慧謝軒輊今花發古妍依倚湛冥吏紛紛

幾開落朱顏駐童穉會當理輕策招隱叩石簣付與好事人編

排入坊志

招松岑明日游花市斜街

唐人除謫如奕碁朝來解龜暮牽絲今時曹掾局過冷磊塊不

食如枯龜况我與君後時者不登奕譜尤駢枝雁行抱牘吏睨

署鼠壤棄蔬駟責辭先生兀坐屋穿漏出則邀子相諧嬰耕桑

近郊計良得蹲鴟求田亦非宜廣陽傲寒殘白菊妖歌慢舞肯

一卮霜風謾謾槁未落香不中顛餐泄脾豈知根贗雜牡菽那

有實好齊瓊蕤貴人金多尙輦取酈泉叟笑陶翁嗤君今準衣

近代詩鈔

袁昶

三

稀得酒叢叢深色傾無訾城西井甘昊天寺竹垞卜築槐街詩

朱錫鬯先生移居槐樹斜街詩有一事新來差勝舊昊天寺近井泉甘之旬近壽陽郡公亦卜廬於此榜其齋曰草堂小秀野

致花市下斜街想見前賢風花時爛漫不一顧雪落泥沅長年悲  
房深窄暝陽屋闌唐烘馬勃牛溲治從來糞壤出芝菌況乃南  
方草木羅紛披不論銜子遲黃鵠且欲敲醉白接羅平明荷鍤  
待老阮醉則投効請監祠

贈李萼老

笠簷生事查初白草薦餘溫毛穉黃懼李風流故相似卜居何

日割湖塘

君嘗作七居有卜築湖塘終焉之志其文甚詆麗

閒庭鳥下

醉吟隴種依蠻府疲隱蕭條強鷓冠偶見空庭一鳥下忽思敲

枕聽風灘

十月二十二日自復興集返北譙卽送薛夫子往秣陵兼

問訊戴子高秀才

爰生錄錄少奇節乾笑依人似馬曹谷神行將師老嗇狀體久  
矣嗤韓豪朝入淮南山飲公玉色醪丈人醺醺有真意年甫五  
十辭旌旄甯餐道士煮白石不與小兒舖濁糟超然脫去世議  
外坐畏苓矢煎蘭膏出山同騎兩款段歷險不騁持韁牢西望  
芍陂東尉氏涂唐舊戍夷爲皋拔山之力困於此東城摺拉爲  
劉薊平原燒枯出境塙古木鬣短垂松毛長途野飯不忍別舉  
手欲贈無錦條北譙茅茨眼中見野老爭席廚童警晨餐過午  
吟至卯門前落葉埋牛尻少櫻浮榮作計誤壯悔雜學徒嚙嘈  
淺耕時虞鹵莽報碎義復戒支離逃荆陰德陽三五運出律入  
禮三千條越鷄不足以語化梧鼠腹儉何由饗欲從夫子問涂

轍故技媿未捐檀槽尊經弟子屢常滿懸解咸釋吝與勞戴君  
名理日疏鑿如以清酌澆煩熬幾時相就決滯義羣碎不數曹  
王髦危亭欲訪割青古傑閣每跂飛霞高裹糧衝雪渡江去雋  
辨一發新硯刀

地震詩

同治十一年六月壬申夜維揚地震連延數州先是五月甲  
申朔日有食之凡疇人推日食非正陽之月不爲菑故予默  
也踰月復有地震之異則爲菑矣時客揚州作是詩

同治壬申斗插未月十九日時初昏江都李氏行炙食酒生魄  
于巽裁逾辛微雲積波光地四壁如削邱昆侖歡呼劇飲取  
喧鬧萬籟夕息癡龍蹲忽然地形翫翫起自東南屯始自戶外  
屨仄旋于金堂上蘭房千氣萬力搖天根墨翟嘗云纒閒虛纒

閒果有禹強存禹強鳥身而人面負乎地絡之陽地絡之陰靜  
處天中央吾聞地德方以靜禹強何爲掉磬使側殃吾將箠禹  
強背別禹強足使其鼯屬潛伏藏又聞地勢橢員以動東南傾  
南海之神曰廣利國有中祀王胡不禁恠物祛貪狼土石下有  
精罔象與羶羊此皆小怪耳不足搖撼九地藏少讀李膺邛州  
事大蛇翻身陷土中天五之精生后土后土富媪何故使之窪  
掩隆春秋五地震齊楚宋魯邦咸鳴鼓攻社五兵斷黃壤賤陰  
而貴陽媪神遂豐穰又聞伏生言黃眚軒黃祥木金水火四者  
來沴土一不勝四爲凶殃山胡爲而摧圮石胡爲而雷礮常羊  
報憲背陽蹠通之維誰祓彼不祥后皇地示方澤祀之泰折瘞  
帛燔柴配之黃后之府亦有大臣胡爲戰戰兢兢如砒冰而臨  
淵上不敢眠天俛不敢畫地任汝怪物齧地柱排天根重黎氏



小臣涕泣于庭而言曰地行賤臣再捧后皇武且神皇地之示  
有災怖賤臣敢愛血矣身行將跽九闔排金門九闔虎豹當門  
居無由有小臣蹤小臣涕泗走之南邦小臣力能撞大鐘考大  
鼓無由上徹明堂聰九地有四岳九天有三公三公上居帝左  
右拱衛泰壹紫微宮臣告三公公不汝從賤臣拊心不得通地  
下有共工口狺狺角轟轟張嘴衙衙來觸不周之山山爲塌天  
爲折河爲塞地爲裂羊馬膾血腥聞大都此是咸同年閒事利  
器輕示域與狐賤臣力薄不得除共工欲先去中國之蠹鴟咬  
之徒三蠶繆牙元氣亡其都三蠶既埽除天清地復廓六螭扶  
屬車聖惠深厚如地高明如天得一以正乾之樞三五旣識職  
羣臣望之如天卽之如地右五緯左九區大開明堂筭角端握  
平珠鏟赤縣尊黃圖又命南正重火正犁齊天下之不齊犁汝

司地作右輔復命司空佐汝大麓風雨毋悞迷益以神威四將  
軍號曰征鎮安平西伐材銅山握銅虎開府和闐及伊犁凡西  
之人崩角稽首歲在卯酉輸其羊酒高者高下者下彝歸彝夏  
歸夏各有人民不相娶嫁日三月成時月三日爲霸各各幽明  
晝夜刑誅惠赦叟顏如童兒唬不嗔男無寄緞女無逃嫁懷真  
抱樸治返于古日月在上燭火罷謝吾聞漢張衡解造地動精  
銅儀三公不覺衡知之衡心無由明驅向泰山而望所思吾聞  
齊有奸太卜自言精誠能動之晏子心知之鉤在房心閒地動  
良由茲嬰心無由明臣昔經晏城欲以特豚春祠之二臣皆良  
齊漢之主未知之又聞歐羅巴人祿天九祿地九又測五緯之  
外新五大星地圓如大球五星爲球刑星觸球傷地且毀神鬼  
不得扶長人不得支撐天地日冥冥管仲能知地圓不能知大

地如球形東有蒼色龍福惠爲汝名何不以牙角觸五星瀦五星宮毋使停南有赤翅鳥嘴赤翼口啄大魚能食相柳肉不能味加五星使西驅中央大黃精鎮壓嵩高山下有后土祠汝行壘培九地之關西有於菟鬚望背負太陰汝不能使五精竇如墜雨踏于北而漱于南北有大平龜七十二鑽無遺謀爾何不沈五精于大冰海圖爾於旂爾毋羞鉤陳爲羽林作衛于王家胡爲地動不自覺食于虎賁自委蛇房爲天駟精驂服天閑無震驚胡爲踏地不自備嚙于王芻曳蹶行此皆內外官請皆鞭箠之臣請助殄除毋令上天憂或謀以息壤鎮壓之毋干上天降罪尤小臣得告爲國舌喉二至閉關帝心簡休忠夷粹和神明與侔道惠精剛砥平道周明陰法陽摧剛爲柔皇皇地祇永萬萬古無菑罹天地中合四時調和內平外成礪山帶河禹強

之神來告曰媧皇令鼇負戴四維鼇性陰賊通于支祁意傾東南爲彼窟池誕育醜類以民毒祭帝命禹強以鼇磔死

此仿犁眉公集

二鬼詩非效盧全徐積也

### 五君憶

從他佛說四天下信有騶談九大州

佛說四天下騶談九一介

戴生容不得真成天壤作詩囚

德清生員戴君望

七歲拜公牀下立屢枉精廬賜新什富春詩老無復人賸有山

靈貽石笈

副貢生同里江丈肇壞

禹迹荒陲不可航公能沿討杙微茫定林問道祛迷誤雪竹霜

筠擁講堂

少秋官六安吳公廷棟

公爲祭酒官書局戴記蒙曾預寫官老眼下籤刊落葉德人電

逝爲襟殫

編修道州何丈紹基

近代詩鈔

袁昶

七

嘉道中人君嗣作遺聞時入君牖臞區藏萬卷多異本一一爬

梳朱墨著

舉人獨山  
莫丈友芝

客坐

客坐能令吾喪我尸居不畏鶴嘲鵝腰金拈紫須臾耳錄錄抱

關寧汝詞

下田居云鵝性頑而傲刺  
時也樂天有鵝贈鵝詩

街西一椽屋二首

街西一椽屋廣足傲瓜牛屋西一畝園天然好林邱云是勤敏

營彬彬佳木修

直西有園黃左田尚書  
故居也今析爲四三家

陰我屋翼涼朝昏得休

休葉榮我知春葉脫我知秋猶存公手植光風灑和柔公少滯

勁操晚榮恩遇優華簪挂朝籍豈足云菟裘緬懷退食暇把卷

茶一甌竹几閣兩肘松碕豁靈眸清晨起危坐液液黃庭游割

此幾蠶房鵝鴨今喧啾我居枕公園適與衙官侔長羨開元日

撫時增百憂昨夜霜風緊林衣墮颼颼天明不可掃飄冒蘚石

稠濁酒一相酌歲寒公知不

北墉槐一章西園榆幾株何必爲我物對之結清娛樹石不厭

我深情共愉愉我亦耽樹石環榻長疎疎枝搖盆池碧影入綺

窗妹惜無履道里買地拓一區種竹巧護埭養魚故穿渠且蓄

此佳願行藏聽榮枯塵寰足止止觀土心如如長安多甲第連

雲蔽交衢試作平等觀何殊蓬戶樞況乃酒肉臭鬼瞰高明居

晚食共一飽弊帷同一車檢書呼短僮搔背倩村姑得錢壓茅

柴注瓦當玉壺一斟懽不足再斟懽有餘何妨是鄉老安能羨

拈朱

旅窗聽雨

蕭然一榻西窗雨兼送東鄰寺裏鐘今夜長安兒女憶數耶獨

宿路河蓬

予前日作書示家人云將泛潞河而歸

故鄉聽雨人都盡飛閣青林沒晚潮聊發少年狂意思海天散  
髮獨長謠

省夜

秋林夜黑鵲驚枝殘燈熒然蝙蝠語攤書兀兀人籟寂飛蟲打  
窗似風雨

書東廨壁

已是蕭條歲暮心掾寮吏散晝沈沈且欣屋後藏山大黃榭疏  
疏似故林

窗外有土山高三四尋老樹數株

懷繩庵學士

疾雷應是不終朝湛露還晞下九霄直節生憐門爵雀撥蒙幾  
見弁垂貂春蘭秋菊無時絕北斗南箕自古謠鵲鳩聲催人去

盡今餘錄錄抱關蕭

王仲翁譏蕭長倩曰不肯錄錄反抱關爲

座主尙書南皮公遺鮮荔支三百顆自粵之燕旬日而達

色香味俱未變也走筆賦長歌爲謝

尙書胸有千鱗甲森然列仗武庫中前年坐籌日南役氣撝西  
日還於東機鈴出沒龍虎窟雷電搜攪蛟鼉宮山川清明草木  
靜復遣萬里耕桑同六奇不盡玉帳祕猶憾早挂扶桑弓不然  
炎維斬鼉足截業一柱磨青銅直使西域佳花種赤縣不數漢  
殿爛漫蒲桃叢今年馬人龍戶得飽飫村村擊鼓歌年豐從容  
羽扇軍府暇荔子紅綻林園風戲驅南方草木到北極瓊漿潤  
洒原思窮閑情復忽被野鷺銜子逕欲煩飛鴻鐵函蠟解顏色  
活娟娟露折千枝空冷如霜沁甘比蜜生剝箬裏辭函封輕紅  
肌對酒重碧猶帶羅浮煙雨青濛濛但疑中有曹溪泉一滴澡

濯靈府芟羣蒙時危光輝減玉食大臣濟時成歲功散官無補  
媿素飽對此未敢嘗新醕分貽僚友放憇息以榮師賜霑春融  
致此者誰李元禮仲約學士文與公熊耳開雙峯桐廬野夫無  
世用但思種果儕畦僮願公整頓濟時了手驅海若觀海童越  
裳翡翠入天府上林玉柰迴青蔥草書苦乏青李帖空首欲報  
還恩恩

### 大雨後

小園連雨似陂塘蛙吹侵宵兩部忙天氣陡如秋作冷一枝紅  
蓼浸滄浪

門前澤國斷來車南陌東阡盡可漁天遣交游謝陶令閉門草  
答遠公書

來禽乍熟雨低垂桃落瑤如丸走陂童子敲殘山鵲啄離離猶

### 賸最高枝

新校桐溪舊德吟

四庭兄義

多應先友列碑陰詩中半寫溪山勝

當作圖經一卷尋

淫雨爲災象已成萬家屋破盼庚晴物皆愁思竹偏喜無數龍  
孫看怒生

### 戲贈宋養初晝睡

文書束笋久相纏身似吳蠶一再眠育育者魚濠上樂遽遽然  
蝶夢中仙比須料理休措笏起視光陰已過甄歸志浩然三泖  
宅臥看煙樹出江船

### 送葉緣督太史還吳中

陀羅幢主玉堂仙歸棹東吳范蠡舩趁取蓴羹下鹽鼓丹楓半

醉晚秋天

君聚集陀羅尼經幢  
揚本千通自署幢主

分題鷓鴣樹石屏風華屋山邱憶醉翁惟有任安留不去坐穿一

榻鄭盦中入史館後久主潘尚書家

點勘羣書下戊籤收藏入錄發凡嚴君搜錄古今藏書家作雜

佚事箋羅極富元繙宋槧資南董括盡流傳竹與縑

光福崦前白鶴飛漁榔夜半火微微茗文小別承明去載得牙

籤萬軸歸

次韻乳伯見贈

莫更刀州夢阿童浮榮起滅幻於虹勸君薄宦何堪戀心與江

流日夜東

野望

漢陂樹樹生秋色杜曲山山罨落暉甚欲西遊石壁寺還憑御

者問何之此楊景度語

失馬戲作絕句

老來行步本難工誰悟盈虛塞上翁爾欲賦閑胡不告警然收

拾市朝鞵

又

絡頭似厭金籠苦此去逃空不可馴倘與畫牛同一韻隨方水

草得閒身用陶宏景事

題江子屏小像

風姿饒有承平態自寫羣書募殺青卻笑南城無揖客費洲擲

笛有誰聽曾寶谷閒校刻全唐文館吳山尊薦下江先吹竹入彈館書

評之骨董目云磁器煎胡桃卒不作見收錄時嚴不鐵橋亦以不

人評之骨董目云磁器煎胡桃卒不作見收錄時嚴不鐵橋亦以不

久不歸禮掃先墓書示弟姪

近代詩鈔

袁昶

十一

儀曹摧颯南遷日漸叟支離北去時迴望長傾寒食淚荒林蟻  
鳥隔山陂

宿留

墓前告誓竟何如員石臺卿遠遜渠寒夜起挑將炮檠齋心嬾  
對半殘書懸疣來日終須決病葉經秋偶未除縱挈鴻毛難比  
並何方針孔一逃虛

又

歲墟依隱那能妍陞楯沈浮不計年未辦新巢養疲茶誰明燎  
玉有貞堅人生鵝炙終爲累影事龜毛亦自湔明日倘容投効  
去林皋適志便欣然

悠悠

鴻蒙何日挾雲將斥鷃卑栖笑搶枋宗慙得州裁斗大趙咨人

地只升量菰蘆中豈口奇雋枳棘叢爭侮老蒼一士周秦論貴  
賤悠悠誰短又誰長

久溷

久溷諸曹陞楯郎尙能弄筆映窗光過江預想扁舟穩幾點晴  
雲指歷陽

漫書四絕句排悶

邇來竊號比壺公吏隱蕭疎已禿翁昨與九華君有約招予同

隱一壺中近刻二小印文云監郡御  
史又云九華今在一壺中

長安日噉風沙客老得監州作幸民想見謝家山一曲明窗棊

几潤無塵朱長文云江南土潤無塵其  
多藝雅愛此語以爲妙解物理人

春樹朱顏一擲梭紛紛濁愛幻灰河把茆便欲陵陽住心太平

庵安樂窩

近代詩鈔

袁昶

十一

解脫涪翁十日留

崇寧元年壬午夏黃文節時以吏部郎領太真

成無柁一虛舟石牛谷裏深深寺絕澗春淙自在流

道中書所見

漁陽無花表春色惟見毵毵江柳黃行客雙輪泥獨漉估船一  
笛棹相將銀釵山葉走田婦缸面村沽瀘酒囊誰言驛路風景  
惡粉壁題詩何郡郎

時由津門復還都下

留別小漚巢

曉來滿院柳綿飛種樹成陰今幾圍別汝淨名方丈去卷簾風  
絮送春歸

別園中草木

十年真寄耳吾自信天慵蒼官招墨客慶汝得繫逢

子培舅仲將來住此

屋秋月嫵娟影春煙澹冶容去住吾何擇欣賞未能同九鑽薊

杏火十見沙棠紅請述園中物一一關離悰雙桃蟠根大歲久

柯如銅椿亦養長年風葉搖青蔥棗自抱赤心赤心將安庸丁

香花四出春纈剪瓊瓏黃竹不作實穆滿瑤池空

去年所造種竹經冬皆枯

惟西窗下有兩叢生意暢茂祇餘兩叢活蒙密光口通赤松久

無跡補種蓄深衷笙鶴一以去抱蜀甘長終其餘多瓊細叢生

春泥融絳蕾引啁雀畫闌懸青蟲嗟予聞道晚朽質困瞽蒙退

違深深息進乏冥冥功符竹方爲彙藥石願吾攻今晨捨汝去

笠簷泛短篷鼎鼎百年內社燕送秋鴻庭莎亦有情曲徑青鞵

韃芝菌寒未茁菘蔬已滋豐豈不戀三宿行將投五茸相忘於

道術去來理无窮養空任所泊念離匪傷冲保汝歲寒姿駕我

冷然風

戲咏懷寧土風

近代詩鈔

袁昶



滑滑春泥不放晴，  
條條梅雨打窗聲。  
天於古井闌中見，  
人在彈碁局上行。  
房屋天井極小街道  
甜酒無緣澆白墮，  
香杭聊當飯青精。  
皖公山小眉痕淺，  
那有千巖疊翠成。

清晨偶書

愴江號秋蟲，  
輕陰籠淡日。  
秋花雖爛漫，  
氣象亦蕭瑟。  
蕉林匝地暗，  
翠扇展橫逸。  
曾無修行彈，  
任障層軒密。  
欲喚臨池僧，  
擘窮草書律。  
汝豈任刻瑠中堅，  
無一實會看霜風。  
至真態萎黃，  
出吏舍乏佳興。  
周旋窘一室，  
既眇度世姿。  
慙無理人術，  
深齋抱微明。  
隙景難究詰，  
今固未必是。  
昨亦豈全失，  
得喪付混同。  
外物不可必，  
惟當假至言。  
齋心養衰疾。

簡沈約齋陳吟鉢

漸西野性疎，  
頑甚世事誰。  
能耐刻谿何，  
似胡孫入布袋。  
強教麋

鹿被金羈，  
孽牋賴有陳。  
無已刻燭將，  
邀沈亞之便。  
欲結聯秋契，  
社不嫌把臂入林遲。

和友人夜出至湖堤小橋上望月

水南鬱森沈，  
灌木秋氣斂。  
微茫辨遠岫，  
薄煙霏冉冉。  
搴攜清夜游，  
佳氣欲泛剡。  
潭馨荷蓋殘，  
村火松明閃。  
褰衷略約上，  
璧月吐復掩。  
塲雲合鱗皴，  
龕燈射星點。  
奔泉注江閣，  
漈漈穿蘆崦。  
卽日娛清景，  
意行脫拘檢。  
惠能雕萬物，  
莊亦離諸染。  
何似濠梁語，  
會心應不減。

寄榆園逸叟

識舟亭畔雨，  
連夕春藻堂。  
前秋已中對，  
楊悠悠幾清夢。  
看雲脈脈兩衰翁，  
釣壇榭葉落誰掃。  
芳郭楓林知漸紅，  
一官局束不稱意。  
半枯已是龍門桐。

自從畏壘寄庚桑，疵癘今憂民物妨。  
手版分應投効去，肘囊未製活人方。  
姑孰年穀尙穰而鄉心甚憂之大作  
晶晶夢痕疑識路，潤潤秋浸欲浮牀。  
貽書曲折煩君意，千里封題遠寄將。  
兄弟書至洒落

商千言備戒為政當以惠民卹為急務并鈔示辟疫方  
蓀西晴望

江上楓林秋未殷，秋深風物已蕭閑。  
試開北戶支頤望，稍見龍眠一角山。

江上

江上撐空千疊山，江風吹度暝帆還。  
浪淘人物前朝去，虎踞龍盤只等閑。

江上楓丹葉漸無，南來日日飮雕胡。  
只輸一事城南杜，詩律窮年晚更粗。

北郭外最樂亭留題二首

隔湖山色若浮來，卷幔縱橫翠作堆。  
樵擔遠歸丹嶂路，酒旗斜颭碧城隈。  
試拈瓢飲尋真樂，從借濠觀老不材。  
知否此中堪避世，作庵對小九華開。  
赭山一名九華山

榆園兄暫來于湖，杯盤草草流連語。  
舊未十日即返里門，離緒惘然作此追寄。

羅含蘭菊園應在，仲蔚蓬蒿徑待畦。  
菜蝗何當施手剪，竹雞試聽盡情嗥。  
為支背郭茅堂足，欲問比鄰草市迷。  
那用九柯并十匠，屋成因樹榜新題。  
江總持有南還尋草市舊宅詩

訪崔隱居

村南微徑修蛇出，水竹縱橫籬落成。  
面勢山川絕蕭曠，乍豁遠目增雙明。  
漁父野田狎白鷺，樵人藥擔分黃精。  
邴丹寂漠逃物

外許割層軒茆一楹



